

王氏醫學叢書

曾女士醫學全書

蘇州國醫書社發行



曾女士醫學
全書第二種

寒溫指南卷之一

華陽曾懿伯淵著

古越王慎軒重訂

男南山校字

●溫病傷寒傷風辨論

古無溫病之說。每遇發寒熱之症。輕則爲傷風。重則爲傷寒。並有後世名醫審情揆理。以爲冬感於寒。卽時發者爲正傷寒。當時不發。寒氣鬱於肌膚之間。至春而發。謂之春溫。至夏而發。謂之熱病。統名之曰傷寒。是說以溫病熱病。皆由於寒之中人也。然何以富貴之家。深居廣廈。坐擁氈毳。飲酒圍爐。雖經霜天雪地。竟不知寒。則應永無傷寒之症矣。何又不然。貧窮之人。日夜操勞於風霜雨露之中。且無衣無褐。缺襟露肘。皮烈肉皸。豈非更多患傷寒矣。何又反少。此言不得不令人翻駁。鄙意四季之中。風寒暑溼。皆能鬱久在人身中。鬱久故化爲熱。所以溫病多於傷寒。不得專泥於寒之一字也。內經云。冬不藏精。春必病溫。立言皆重於冬。豈謂冬宜藏。他時可以不藏乎。鄙意四季之中。人之精神固守。腎氣內充。一切時邪皆難侵受也。所以古方。治傷寒偏於溫散。皆泥於寒之一字爲主。故今之庸醫。偶讀古方數則。隳

昧不明。泥古不化。每見用傷寒古方。以治溫病。鮮有見效。懿摠心久矣。且身歷危險之症者。再皆因始誤於表。幸心血素虧。不致昏迷。尙能伏枕。自查溫病條辨。仿其滋陰甘涼。治之得法。而獲全愈。故審悉斯症。總名之曰傷寒。實係溫病也。此書誠新立活命至寶之書也。故大地名區。尙有讀書明理儒醫一二。每遇病思義。尙能解釋。以此法救人。無有不效。奈窮鄉僻壤。竟無良醫。專泥於古方。每見偶感風寒。不察溫病傷寒傷風。大肆溫表。亡其津液。耗其血氣。致令陰涸耳聾。延成虛損。以致不起。更有寒熱初起。表裏並用。一紙方藥。必開有十三四味。有表有降。使邪降之入裏。能令人結胸發狂等症。真誤人之甚也。尙有表藥之中。雜以補藥。並以參爲君。名曰參蘇飲。使風寒之邪未解。關之入裏。誠所謂閉門殺賊。每致令人病久不愈。此藥再無效。則云虛矣。不論人之邪盡與不盡。各種補劑頻施。致令昏憤狂譫而死。實堪痛恨。懿連年隨官廣德渦陽。見此三種治法最多。天札頻聞。民罹其苦。心竊憫之。故將傷寒傷風溫病始終治法。詳辨明晰。苟能遇此重症。陡然大發寒熱。則定知係傷寒溫病。只要初起用藥不誤。一二劑藥。卽將邪氣攆出。病卽霍然。傷寒不致令其傳經。溫病不致令其昏憤狂譫。懿屢經驗矣。敢爲天下人告。非但有益於人。利人亦利己也。

●傷寒溫病原由

此症雖屬外感。然多患於勞心之人。並處以深幽之屋。空氣不得流通。最易於患此。乃緣勞心操作。血氣每多壅滯。凡風寒暑溼凝結不散。收入臟腑。積久復感風寒暑溼。因之激起而作。故每發病如陡然發寒壯熱。其病必重。人之身中。肺爲華蓋。上有二管。一爲食管。上承飲食。一爲氣管。以通呼吸。所以受病皆由呼吸引進。故病始來皆在肺經。須用輕散肺邪。得汗卽愈。不致傳至各經矣。故西醫治病之法。雖不及中國。而杜病之法。實有甚於中國者。凡人苟能節勞以保腦力。時吸新鮮空氣。以保肺氣。兼能運動。使血絡流通。自能百病不生。而臻壽域矣。

●脈辨

脈浮緊惡寒。謂之傷寒。脈數寒少熱多。謂之溫病。脈緩惡風。謂之傷風。脈盛壯熱。謂之熱病。脈虛身熱。謂之傷暑。醫者不可不辨。

●傷風論

傷風者。每遇暴寒暴熱。衣被冷熱不勻。或坐臥當風。或由窗隙翦風傷人。當時感受。則流清

涕。或鼻塞不通。身重頭痛。亦發寒熱。有噎有汗。此來勢緩。其症亦輕。只要衣衾帶暖。忌風忌油。卽不服藥。亦可就愈。如久不解。則宜香蘇飲解之。

香蘇飲 蘇葉 錢半 荊芥 錢半 防風 一錢 川芎 一錢 製香附 一錢二分 生甘草

五分 生薑 三片 爲引 如有身痛。加秦艽 一錢 鼻塞流涕。加半夏陳皮。如咳嗽。加杏

仁桔梗前胡。蘇葉改爲蘇梗。一劑得汗而熱退。不必再服。不退再服一劑。無有不愈者。但忌風忌油。

●溫病論

溫病之症。有九條。有風溫。有溫熱。有溫疫。有溫毒。有暑溫。有溼溫。有秋溫。有冬溫。有溫瘡。是也。皆由風寒暑濕由口鼻而入於肺。鬱久感時氣而發。初發亦陡發寒熱不解。次早退熱。晚又復發熱。頭痛昏脹。面色多油滯。發熱一二日。卽作渴。或不渴。熱後有油汗。一二日後。卽早起清爽。下午發熱。尺膚熱者。言下身部熱愈甚也。其脈不緩不緊而動數。寸脈獨大。右手脈盛於左手。溫熱雖久在一經不移。不似傷寒之傳各經也。

●風溫治法

風溫者。初春陽氣始開。肝經行令。溫風相感而發作也。始發熱而惡風寒者。桂枝湯主之。

桂枝湯 桂枝三錢 白芍錢半炒 炙甘草一錢 生薑二小片 大棗一枚去核 水

二杯。煎至香氣大出。即取服。不可過煎。一經寒退。則無須服。寒後但熱不惡寒而口渴者。

辛涼平劑銀翹散主之。不口渴者亦效。

銀翹散 連翹二錢 銀花二錢 苦桔梗一錢二分 生甘草一錢 薄荷一錢 竹葉

八分 荊芥穗八分 牛蒡子一錢二分 淡豆豉一錢 鮮葦根二錢去節 藥不可過

煮。煎至香氣大出。即取服。煮久則入中焦。不能發汗矣。病勢重者。日二服。夜一服。服後須汗

出即解。如身痛加秦艽一錢二分。頭痛加蔓荊子一錢二分。胸膈悶者加鬱金一錢二分。藿

香一錢。咳者加杏仁一錢五分。利肺氣。渴者加天花粉一錢五分。衄者加白茅根二錢。側柏

葉錢半。

●春溫治法

春溫症。由冬寒內伏。藏於少陰心腎經。發於少陽三焦膽經。寒邪深伏。已經化熱。前賢以黃芩湯爲主方。用苦寒直清裏熱。熱伏於陰。苦味堅陰。乃正治也。此方不因新感而發者甚妙。

黃芩湯 黃芩三錢 炙甘草二錢 白芍二錢 大棗二枚去核 水五杯煮取二杯。分二次服。

若因外邪先受。引動在裏伏熱。必先用辛涼以解新邪。須先用葱豉湯。此方爲溫熱初病開手必用之劑。

葱豉湯 葱白一握 香豉五錢 水七杯。煎成三杯。日三服。原方加童便。余主不用童便亦可。王孟雄按蘆根、桑葉、滑石、蔗漿。皆可隨症佐用。

風熱入肺者。頭脹咳嗽。身不甚熱。微渴者。輕劑桑菊飲主之。

桑菊飲 甜杏仁二錢去皮尖 連翹錢半 桑葉錢半 苦桔梗二錢 薄荷八分 甘

菊花一錢 甘草八分 水二杯。煮取一杯。日二服。

●溫熱治法

溫熱者。春末夏初。陽氣弛張。溫盛爲熱也。脈洪渴甚。面赤惡熱。大汗者。辛涼重劑白虎湯主之。夏日受暑。多患此症。然必須大汗大渴脈洪而熱不退者。方可服也。

按白虎方本爲達熱出表。若其人脈浮弦而細者。不可與也。脈沈也。不可與也。汗不出者。不

可與也。不渴者不可與也。當細察數種。勿令誤服。此方用之得當。應手而效。用之不當。禍不旋踵矣。

白虎湯 生石膏六錢 研 知母三錢半 生甘草錢半 白梗米半合 水五杯 煎取二杯 分二次服。

●溫疫治法

溫疫者。感天地之厲氣。厲氣必挾時毒。或人煙稠密。居室不慎。飲食不潔。或天時不正。致相傳染者多。惟不可用溫表藥發汗。發汗而汗不出者。必發斑疹。汗出過多者。必神昏譫語。發斑者。徧體赤紅成片。甚則轉黑色。則病危矣。疹者。小紅粒。成片成朵之象。皆溫毒蘊久而成也。發斑者。化斑湯主之。發疹者。銀翹加減湯主之。

化斑湯 生石膏一兩 知母四錢 生甘草三錢 犀角二錢 元參三錢 白梗米一合 水八杯 煮成三杯 日三服。

疫症初起。寒熱頭痛。煩躁譫妄。肢冷身熱。舌刺唇焦。一切火邪。表裏俱盛。狂躁心煩。口乾咽痛。大熱乾嘔。吐血衄血。熱甚發斑。不論始終。以清瘟敗毒飲主之。

清瘟敗毒飲 生石膏八錢 小生地二錢 烏犀角二錢 眞川連一錢 梔子錢半

桔梗錢半 黃芩錢半 知母二錢 赤芍二錢 元參二錢 連翹二錢 甘草八分

粉丹皮二錢 鮮竹葉錢半

發疹者。用銀翹加減湯主之。

銀翹加減湯 連翹二錢 銀花二錢 苦桔梗一錢二分 薄荷八分 牛蒡子一錢二分

竹葉八分 生甘草一錢 荆芥八分 元參二錢 細生地二錢 大青葉六分 粉

丹皮 半

神昏譫語者。清宮湯主之。身體強壯者。牛黃丸紫雪丹至寶丹主之。

清宮湯 凡溫病汗後餘熱不清每有發迷神昏用此方減犀角甚效 元參心二錢 蓮子心五分 竹葉捲心二錢 連翹

心二錢 犀角尖錢半 磨冲 連心麥冬三錢 加減法。熱痰盛。加竹瀝梨汁各一匙。咳痰

不清。加括藁皮五分。神昏甚者。加九節菖蒲三分。荷葉二錢。

牛黃丸紫雪丹局方至寶丹。均詳溫病條辨。大藥舖皆有賣者。

●溫毒治法

溫毒者。乃春夏之交。地氣發泄。人身陰氣素虧。不能上濟心火。故有此症。或咽痛。或喉腫不痛。但外腫。甚則耳聾。俗名大頭溫。蝦蟆溫者。普濟消毒飲去升麻柴胡。初起再去芩連。三四日不退便結者。加黃芩二錢。枳殼二錢。

普濟消毒飲加減方 連翹二錢 薄荷六分 馬勃八分 芥穗六分 僵蠶一錢 牛蒡子一錢二分 元參二錢 銀花二錢 苦桔梗二錢 甘草一錢 板藍根一錢 鮮葦根二錢去節 共爲粗末。鮮葦根煎湯。入藥煎一開去渣服。

陰虛之人。易感溫毒。如白喉、赤喉、喉痺、喉蛾、喉風等症。惟有養陰清肺湯。最爲神效。惟世人只知白喉忌表。必喉中生白方敢用此方。殊不知赤腫均可用。其功能養陰、清肺、熱、故耳。尙有喉痛而兼發寒熱。世醫謂之風火喉症。每用防風、荆芥、山豆根、射干等類。必致更甚。余癸卯年治六兒喉痛。始用養陰清肺湯。雖見鬆象。尙未全愈。因思既發寒熱。必感時氣。遂以湯中加連翹、銀花。引用竹葉心二錢服之。立刻見效。痛熱均除矣。

養陰清肺湯 大生地五錢 元參四錢 麥冬三錢去心 薄荷一錢二分 炒白芍二錢 粉丹皮二錢 貝母二錢去心 甘草一錢 如痛勢重者。須每樣加一倍。發熱加連

翹三錢。銀花三錢。火重者加蓬大海一枚。竹葉心二錢。大便閉結。加枳實二錢。黃芩錢半。小便短赤。加澤瀉二錢。知母二錢。

●暑溫治法

暑溫者。長夏受暑之病。偏於熱者也。形似傷寒。頭痛身痛。發熱惡寒。右脈洪大而數。左脈反小於右。傷寒先發寒而後熱。傷暑先發熱。熱極而惡寒。口渴面赤。汗大出者。名暑溫。白虎湯主之。脈芤汗多不止者。白虎加入參湯主之。(方見前)

暑溫症頭痛發熱無汗。香薷飲總嫌其溫燥。鮮有效驗。自製銀翹加減方。屢有功效。

銀翹加減祛暑方 銀花三錢 連翹二錢 薄荷一錢 竹葉二錢 蔓荊子二錢 冬

桑葉二錢 飛滑石三錢 生甘草五分 鮮扁豆花一枚 鮮荷葉邊二錢

暑溫發汗。暑症已減。餘邪不解。但頭微脹目昏。或偶受暑熱。輕者惟有頭脹目昏。皆可以清

絡飲主之。

清絡飲方 鮮荷葉邊二錢 鮮扁豆花二錢 西瓜翠衣二錢 鮮竹葉心二錢 鮮銀

花二錢 絲瓜皮二錢 水二杯。煮取一杯。日二服。

伏暑者。長夏受暑。過時而發者。名曰伏暑。霜降以前發者稍輕。霜降以後發者則重。其症發時。頭痛惡寒。發熱舌白。與傷寒同。惟面赤煩渴。脈濡而數。不似傷寒脈緊而緩也。伏暑治法有二。詳後。

伏暑症。舌白口渴無汗者。銀翹散去牛蒡加杏仁錢半滑石二錢主之。

伏暑症。舌赤口渴無汗者。銀翹散加生地錢半丹皮八分赤芍八分麥冬錢半主之。

伏暑症。舌白口渴有汗。或大汗不止者。銀翹散去牛蒡荆芥加杏仁一錢二分石膏二錢黃芩一錢主之。脈洪大渴汗多者。仍用白虎法。脈虛而芤者。仍用人參白虎法。又溫熱贅言云。暑月乘涼飲冷。陽氣爲陰寒所遏。皮膚蒸熱。凜凜畏寒。頭痛自汗。煩渴。或腹痛吐瀉。陰暑外襲者。用香薷飲。陰暑內侵者。用大順散。緣吐瀉肢冷脈伏。是脾胃之陽。爲寒溼所蒙。不得伸越。故以乾薑肉桂散寒和胃。杏仁甘草和氣調脾。然廣皮茯苓仍不可少。此宗仲景治陰邪之霍亂。而用理中之旨也。

香薷飲方 香薷二錢 銀花三錢 鮮扁豆花三錢 厚朴一錢 連翹二錢 水五杯
黃取二杯。先服一杯。得汗止後服。不汗再服。

大順散 杏仁二錢 乾薑二錢 肉桂一錢 甘草一錢 茯苓三錢 廣皮錢半

暑熱內結。大瀉肢冷脈伏。宜五苓去白朮加滑石黃耆皮甚效。

五苓散加減方 猪茯苓各二錢 澤瀉三錢 桂枝一錢 飛滑石三錢 黃耆皮二錢

● 溼溫治法

溼溫症。始惡寒。後但熱不寒。舌白身痛。渴不引飲。頭目昏重。胸悶不飢。午後身熱。狀似陰虛。脈弦細而濡。名曰溼溫。汗之則神昏耳聾。甚則目瞑不欲言。下之則洞瀉。潤之則病深不解。三仁湯主之。

三仁湯方 杏仁三錢 飛滑石四錢 白通草錢半 薏苡仁四錢 法夏二錢 白蔻

仁錢半 川厚朴姜一錢二分汁製 甘瀾水八碗。煮取三碗。分二次服。此方溼溫初起不甚合拍

白擬溼溫初起效方 淡豆豉三錢 桔梗二錢 飛滑石四錢 蒼朮皮錢半 茯苓皮

三錢 竹葉錢半 廣陳皮錢半 鮮藿香葉錢半 甘草四分 連翹二錢 銀花三錢

通草錢半 如惡寒無汗者加葛根二錢。

溼熱症。發熱胸痞。肌骨作痛。始終無汗者。暑邪內閉也。宜用六一散一兩 薄荷四分 泡

湯調下。卽汗解。此方甚效。非但治溼溫。暑溫亦著靈效。

溼熱症。身熱口渴。嘔吐清水。或溼熱內留。痰火上逆。宜加減溫膽湯。

溫膽湯加減方 竹茹二錢 括蕓二錢 枳實二錢 橘紅錢半 法夏二錢 茯苓錢

半 炙甘草八分 碧玉散二錢沖服 (碧玉散卽六一散稍加青黛)

溼熱症。嘔惡不止。晝夜不差。肺胃不和。胃熱移肺。肺不受邪也。宜用蘇葉三分 川連四分

煎湯呷下卽止。

溼鬱經絡。身熱身痛。汗多自利。胸腹白疹。內外合邪。辛涼淡滲法。薏仁竹葉散主之。

薏仁竹葉散 薏苡仁五錢 竹葉三錢 白蔻仁一錢 茯苓塊五錢 白通草錢半

連翹三錢 飛滑石五錢 共爲細末。每服五錢。日三服。

溼溫邪入心胞。神昏肢逆。清宮湯去蓮心麥冬。加銀花赤小豆皮。溼溫著於經絡。多身痛身

熱之候。醫者誤以爲傷寒而汗之。遂成是症。

清宮湯加減法 犀角一錢 連翹心三錢 元參心二錢 竹葉心二錢 銀花二錢

赤小豆皮三錢

●溫瘧治法

溫瘧初起。尚在肺經。瘧之至淺者。舌白渴飲。咳嗽頻仍。伏暑所致。名肺瘧。宜速用杏仁湯。輕宣肺氣。無使邪聚則愈。

杏仁湯 杏仁三錢 黃芩錢半 連翹錢半 茯苓塊三錢 滑石三錢 桑葉錢半

白蔻皮八分 梨皮二錢 水三杯。煮取二杯。二次服。

溫瘧骨節煩疼。或多熱少寒。時作嘔吐。名曰溫瘧。汗多口渴者。白虎加桂枝湯主之。

白虎加桂枝湯方 知母三錢 生石膏八錢 粳米半合 桂枝木錢半 炙甘草一錢

水四碗。煮取二碗。先服一碗。得汗為度。不知再服。中病即止。

瘧症脈左弦。暮熱早涼。汗解渴飲。少陽瘧偏於熱重者。青蒿鱉甲湯主之。

青蒿鱉甲湯 青蒿三錢 知母二錢 霜桑葉二錢 鱉甲五錢 花粉二錢 粉丹皮

二錢

少陽瘧如傷寒。偏於寒重而熱輕。脈弦遲者。小柴胡加乾薑陳皮湯主之。

小柴胡加減湯 柴胡二錢 黃芩一錢 半夏錢半 炙草五分 西潞黨二錢 天花

粉二錢 乾薑 錢半 陳皮 錢半 大棗二枚去核 生姜二小片 水四杯 煮取二杯 分二次服。

濕蘊成瘡。舌白脫悶。寒起四末。渴喜熱飲。名曰溼瘡。厚樸草菓湯主之。

厚樸草菓湯 川厚樸 錢半 杏仁 錢半 草菓二錢煨 半夏二錢 茯苓塊三錢 廣

皮一錢 水五杯 煮取二杯 分二次服。

瘡之爲病。不外乎寒熱溫暑溼五種。搜羅前五方。以備採擇。而莫妙李士材一方。見效甚速。方用升麻柴胡提陽氣上升。使遠於陰。而寒自止。黃芩知母引陰氣下降。使遠於陽。而熱自退。以生薑劫邪歸正。以甘草和其陰陽。此方藥僅六味。功效不可量也。壬年外子官廣德。八月廿八患間日瘡。發時言語氣不相續。惟云上下氣不接。每發以前。必打呵欠數十個。審系清陽不升。濁陰不降。故擬此方六味服之。一劑得微汗。氣息平和。從此不發矣。截止之日。係九月初五日也。特記之。以便後人。名之曰柴芩湯。

柴芩湯方 升麻一錢 柴胡一錢 知母錢半 甘草五分 黃芩錢半 生薑三錢
中焦瘡。寒熱久不止。氣虛留邪。奄奄不止者。補中益氣湯主之。

補中益氣湯 炙黃耆 錢半 西潞黨 一錢 土炒白朮 一錢 炙甘草 一錢 廣陳皮 五分 當歸身 五分 升麻 三分 炙 柴胡 三分 炙 生薑 三片 大棗 二枚 去核 水 五杯 煮取 二杯 去渣再煮 一杯。

●秋燥治法

秋燥者。秋令燥氣傷及肺絡。或發熱。或咳嗽。或惡寒熱。鼻塞隘乾。或燥氣化火。清竅不利等症。右手脈數大。肺氣受傷也。桑杏湯主之。

桑杏湯方 甜杏仁 錢半 去皮尖 桑葉 二錢 北沙參 二錢 象貝 一錢 香豆豉 一錢

炒梔皮 一錢 梨皮 一錢 水 二杯 煮取 一杯 頓服。

燥傷肺胃陰分。或熱或渴。口渴甚者。沙參麥冬湯主之。

沙參麥冬湯 北沙參 三錢 玉竹 二錢 冬桑葉 錢半 扁豆 錢半 花粉 錢半 久熱

久咳者。加地骨皮 二錢。水 五杯。煮取 二杯。二次服。

秋燥傷肺。新涼外加。惡寒頭痛。鼻塞隘乾。咳嗽稀痰。脈弦無汗者。杏蘇散主之。

杏蘇散 蘇葉 二錢 半夏 錢半 茯苓 錢半 杏仁 二錢 前胡 錢半 枳殼 錢半 陳

皮一錢 甘草五分 苦桔梗錢半 生薑二片 大棗二枚去核 加減法。無汗脈緊身痛。加羌活一錢。透汗之後。咳不止。加蘇梗去蘇葉羌活。兼腹滿泄瀉者。加蒼朮厚樸各一錢。頭痛眉稜骨痛者。加白芷一錢。熱甚加黃芩錢半。

燥氣化火。清竅不利。如耳鳴目赤。衄脹咽痛之類。翹荷湯主之。以清上焦氣分之燥熱也。

翹荷湯 薄荷錢半 連翹錢半 黑梔皮錢半 生甘草一錢 桔梗一錢 綠豆皮二

錢 水二杯。煮取一杯。一頓服之。日二服。甚者日三服。(加減法)耳鳴者。加羚羊角八分。苦丁茶一錢。目赤者。加鮮菊葉錢半。苦丁茶一錢。夏枯草二錢。咽痛者。加牛蒡子錢半。黃芩一錢。

●冬溫治法

冬溫治法。與風溫治法同。初起用銀翹散治之效。以上九種溫病。皆類似傷寒。治不得法。每致纏綿。輕則重。重則死矣。故陳士鐸曰。凡病初起。用藥原易奏功。奈人看不清。用藥錯亂。往往變症蜂起。苟能認清病源。用藥得當。又何變症之生耶。

●傷風傷寒初起治法

如傷寒初起。必寒熱頭痛。身痛項強。切其脈必浮而緊。此傷寒也。卽用桂枝甘草陳皮葛根各一錢服之。卽汗出而愈。

如傷風頭痛。鼻塞咳嗽。痰多清涕。其脈必浮。此傷風也。卽以防風荆芥蘇葉黃芩半夏各一錢服之。卽愈。不必再劑也。此論甚爲確當簡便。察其方。亦甚穩妥。故錄之。

以上皆論寒溫初起。倘若治法對症。自能藥到病除。若治不得法。或因循失治。則傳入陽明胃經。病在中焦。又須用中焦之法以治之。

曾女士醫學全書第二種寒溫指南卷之二一

●溫病傳入中焦治法

溫病中鼻口而入。鼻氣通於肺。口氣通於胃。肺病逆傳。則爲心包。上焦病不治。則傳中焦胃與脾也。中焦病不治。則傳下焦肝與腎也。始上焦。終下焦。但初受之時。斷不可以辛溫發其陽耳。蓋傷寒傷人身之陽。故喜辛溫甘溫苦熱以救其陽。溫病傷人身之陰。故喜辛涼甘寒甘鹹以救其陰。彼此對勘。自然瞭然於心目間矣。

風溫 溫熱 溫疫 溫毒 冬溫 此五種傳入中焦。治法同。

陽明溫病。卽溫病傳至中焦。面目俱赤。呼吸聲粗。但惡熱。不惡寒。日晡熱益甚。大便閉。小便澹。舌苔黃。再甚則黑。有芒刺。脈沈數有力。甚則胸腹堅滿拒按。喜用涼飲。脈體反小而實者。大承氣湯主之。脈浮洪燥甚者。白虎湯主之。

大承氣湯 大黃 四錢 芒硝 二錢 厚樸 二錢 枳實 二錢 水五杯。先煮枳樸。後納大黃芒硝。煮取二杯。先服一杯。約二時許得便止。後服。不便再服一杯。再不便再服。

白虎湯方見上

陽明溫病。脈浮而促者。減味竹葉石膏湯主之。脈促。卽數而時止。如趨之過急。忽一蹶。然其勢甚急。故以辛涼重劑透表。雖現以上病象。脈浮促。仍不用下藥也。宜竹葉石膏主之。

減味竹葉石膏湯 竹葉 五錢 石膏 八錢 麥冬 六錢 甘草 三錢 水八杯。煮取三杯。一時服一杯。

陽明溫病。諸症如前而微。不致如前十分亢害。脈不浮。小承氣湯微和之。或頭汗譫語。不大便者。宜小承氣湯。

小承氣湯 大黃 三錢 厚樸 錢半 枳實 一錢 水五杯。煮取二杯。先服一杯。得宿糞止。

後服。不知再服。

陽明溫病。純利稀水無糞者。謂之熱結旁流。調胃承氣湯主之。此方取芒硝入陰以解熱結。反以甘草緩芒硝急趨之性。使之留中解結。不然。結不下而水獨行。徒使藥性傷人也。如下利譫語脈不實者。用牛黃丸紫雪丹主之。

調胃承氣湯方 生大黃三錢 芒硝五錢 生甘草二錢 牛黃丸紫雪丹方見前

陽明溫病。無上焦症。數日不便。當下之。若其人陰虛。不可行承氣者。增液湯主之。服後經十二時。仍不大便者。合調胃承氣湯微和之。

增液湯方 元參一兩 麥冬八錢連心 細生地八錢 水八杯。煮取三杯。口乾則與飲。

令盡。不便再服。

陽明溫病。下後汗出。當復其陰。益胃湯主之。下後無汗。脈浮者。餘邪未盡。當用銀翹湯主之。脈浮洪者。白虎湯主之。脈洪而芤者。白虎加人參湯主之。下後無汗脈不浮而數者。清燥湯主之。

益胃湯方 北沙參三錢 麥冬五錢 細生地五錢 玉竹錢半炒香 冰糖一錢 水

五杯。糞取二杯。分二次服。

銀翹湯方 銀花 五錢 連翹 三錢 竹葉 二錢 生甘草 一錢 麥冬 四錢 細生地 四

錢 水煎服。

白虎湯方 見前 白虎加人參湯 見前

清燥湯 麥冬 五錢 知母 二錢 人中黃 錢半 細生地 五錢 元參 三錢 加減法。咳

嗽膠痰。加沙參二錢。桑葉錢半。梨汁半酒杯。牡蠣三錢。牛蒡子三錢。

陰虛之人。溫熱壅滯。中焦痞結。大小便閉澇。或大便不爽。不致發狂熱迷過甚者。未敢驟用承氣。大黃芒硝恐傷其陰也。余每用黃芩枳殼。佐以滋陰等藥。甚有效驗。特開出以便採擇。

炙鱉甲 五錢 鮮石斛 三錢 知母 二錢 炒枳殼 二錢 瓜蒌仁 三錢 黃芩 二錢 廣

陳皮 錢半 冬瓜仁 三錢 清炙甘草 四分 如溼溫加半夏二錢。白蔻皮一錢。服後大便

仍不解。加火麻仁三錢。搗爛黃芩一錢。

暑溫伏暑陷入胃經。脈洪滑。不寒惡熱。面赤頭暈。飲不解渴。得水愈嘔。胸下按之痛。小便短。大便閉。陽明暑溫水結胸也。小陷胸湯加枳實主之。

小陷胸湯加枳實方 半夏三錢 括蕪二錢 黃連一錢 枳實錢半 急流水五杯。煮取二杯。分二次服。

暑邪久留三焦。舌絳苔少。熱搏血分者。加味清宮湯主之。神識不清。熱閉內竅者。先與紫雪丹少許。再與加味清宮湯。

加味清宮湯 卽於前清宮湯方中。加知母三錢。銀花二錢。竹瀝三茶匙沖入。暑溫伏暑。三焦均受。舌灰白。胸悶泄瀉。潮熱嘔噦。煩渴汗出溲短者。杏仁滑石湯主之。

杏仁滑石湯方 杏仁三錢 滑石三錢 黃芩二錢 橘紅錢半 鬱金二錢 通草一錢 厚樸一錢 半夏二錢 水八杯。煮取三杯。分二次服。

溼溫兼寒。脾胃兩傷。既吐且利。寒熱身痛。或不寒熱但腹中痛。名曰霍亂。寒多不飲水者。理中湯主之。熱多欲飲水者。五苓散主之。

理中湯方 西潞黨二錢 漂白朮二錢 乾薑二錢 清炙甘草二錢 水五杯。煮取二杯。分二次服。

五苓散方 猪苓五錢 白朮五錢 茯苓五錢 澤瀉八錢 桂枝錢半 共爲細末。百

沸湯和服三錢。

溼溫鬱於中焦。脘連腹脹。大便不爽者。加減正氣散主之。

加減正氣散 藿香梗二錢 川厚樸一錢姜製 大杏仁二錢去皮尖 茯苓皮二錢

生穀芽三錢 綿茵陳二錢 大腹皮一錢酒洗 薏仁米三錢 炒枳壳錢半 水五杯。

糞取二杯。分二次服。

溼熱內蘊。善飲傷脾。食減泄瀉。腹中隱痛。胃苓湯加白芍甚效。此方屢用多效。

胃苓湯方 漂蒼朮二錢淘米水浸合黑芝麻炒 川厚樸一錢薑汁製 廣陳皮一錢

炙甘草五分 建澤瀉一錢 連皮茯苓二錢 桂枝五分 漂白朮一錢二分土炒 杭

白芍二錢 猪苓錢半 生薑二片 大棗二枚去核

溼飲久羈。脾胃不和。氣虛挾痰。胸膈間漉漉有聲。乃痰飲積聚。酒溼所傷。多有此症。宜外臺

茯苓飲主之。

外臺茯苓飲方 西潞黨三錢 土炒白朮二錢 茯苓四 炙甘草五分 廣陳皮一

錢 枳實二錢 生薑二片

溼熱內蒸。致成黃疸。外感時邪。內蘊水穀。必以宣通氣分爲要。失治則爲腫脹。由黃疸而腫脹者。苦辛淡法。二金湯主之。

二金湯方 鷄內金 三錢 海金沙 三錢 川厚樸 一錢 白通草 一錢 大腹皮 錢半

豬苓 二錢 水五杯。煮取二杯。二次服。

嗜飲之人。溼熱薰蒸。面目發黃。甚則黑。心中嘈雜。小便赤澀。費氏茵陳玉露飲主之。

茵陳玉露飲 茵陳 三錢 玉竹 三錢 石斛 三錢 花粉 二錢 半夏 一錢 廣皮 一錢

茯苓 二錢 山梔 錢半 鷄距子 三錢 萹薢 二錢 薏仁 一兩

溼熱流入膀胱。氣鬱不化。身面俱黃。小便短赤者。茵陳五苓散主之。

茵陳五苓散 卽用五苓散五錢。配茵陳末一兩和勻。每服三錢。

治黃疸丹方 青殼鴨蛋。敲一小孔。納樸硝於孔中。紙封燉熟。日二服。其義取一補一消。治

黃疸甚效。嘗親試之。初時便溏不爽。服樸硝而便反乾暢矣。

溼溫內蘊。飲食停滯。氣血不得運行。遂成滯下。俗名痢疾。初起腹痛脹者易治。日久不痛不脹者難治。脈小弱者易治。脈實大數者難治。先痢後瀉者易治。先瀉後痢者難治。先痢後瘧

者易治。先瘡後痢者難治。酒客積熱。及老年積溼者難治。總之病機淺者易治。深入臟絡者難治。諺云。餓不死的傷寒。填不死的痢疾。故痢疾日行數十次。下者既多。腸胃空虛。須藉飲食以補其虛。方不致死也。

自痢不爽。腸中拘急。欲成痢疾。小便短者。四苓合芩芍湯主之。

四苓合芩芍湯方 蒼朮二錢 猪苓二錢 茯苓二錢 澤瀉二錢 白芍二錢 黃芩

二錢 廣皮二錢 厚樸二錢 姜製 煨木香一錢 水五杯。煮取二杯。分二次服。

瘡邪內陷。變痢。久延時日。脾胃氣衰。面浮腹膨。裏急肛墜。中虛留邪。加減小柴胡湯主之。

加減小柴胡湯方 柴胡二錢 黃芩二錢 潞黨一錢 白芍二錢 炒 粉丹皮一錢

當歸二錢 半土炒 穀芽二錢 炒 山查二錢 炙甘草一錢 水八杯。煮取三杯。分三次服。

痢疾已成。忌用黃連。服之倒胃不食。腹痛而痢者。用通利湯。能宣通經絡。痛止則通。通則不痛也。

治痢通利湯 車前二錢 炒 枳殼一錢 川樸一錢 炒 查一錢 陳皮一錢 滑石

一錢 飛淨 紅朮三錢 炒 澤瀉一錢 枳實一錢 甘草一錢 燈心一撮 同煎。

又經驗治痢神效方 當歸一兩 白芍一兩 檳榔一錢 枳殼一錢 甘草一錢 蘿

蔔子三錢 車前子一錢

以上溫病傳入中焦治法。如治不得法。則傳入下焦。肝腎所司。則又當以下焦治法治之。

曾女士醫學全書第二種 寒溫指南卷之三

●溫病傳入下焦治法

風溫 溫熱 溫疫 溫毒 冬溫 此五種症同治。溫病治不得法。傳入下焦少陰腎經。

津液被劫。心中震震。舌強神昏。或口乾舌燥。齒黑唇裂。手足心熱。或耳聾。或汗自出。心中不

自主者。皆因誤用升散。熱久耗傷真陰。少陰之液無以上供。故熱邪不解。脈虛大者。均宜加

減復脈湯主之。

加減復脈湯方 炙甘草六錢 乾地黃六錢 生白芍六錢 麥冬五錢 不去心 阿膠

三錢 麻仁三錢 水八杯。煮取三杯。分三次溫服。

溫病誤表。津液耗散。汗大出不止。中無所主者。救逆湯主之。

救逆湯方 卽用復脈湯去麻仁。加牡蠣八錢。生龍骨三錢。煎如復脈法。脈虛欲脫者。加人

參二錢。

溫病服承氣湯下後。大便溏甚。十二時三四行。脈仍數者。不可與復脈湯。一甲煎主之。

一甲煎方。生牡蠣二兩。碾水八杯。煮取三杯。分三次溫服。

下焦溫病。大便溏瀉。卽與一甲復脈湯主之。卽於加減復脈湯。去麻仁加牡蠣一兩。

熱邪深入下焦。脈沈數。舌黑齒乾。手指蠕動。急防瘳厥。二甲復脈湯主之。

二甲復脈湯方。卽於加減復脈湯。加生牡蠣五錢。生鱉甲八錢。

下焦溫病。熱深厥甚。脈細促。心中澹澹大動。甚則心中痛者。三甲腹脈湯主之。

三甲復脈湯方。卽於二甲復脈湯方內。加生龜板一兩。

按復脈湯方。加減得法。醫效最速。真有起死回生之功。余於癸卯年患春溫。延入下焦。口渴

唇焦。舌黑心煩。日晡發熱。津液枯耗。已十分危險。諸醫皆用小柴胡等方。不對症。遲延未服。

延至下焦。後自擬服此方。後大戰。床柱地板。皆爲之震動。戰後繼之大汗。邪因之得解。後自擬龜板鱉甲牡蠣等藥。隨症加減而愈。愈後自查條辨云。津液枯燥。服存陰藥。液增欲汗。邪正努力紛爭。則作戰汗。戰之得汗則生。汗不得出則死。所幸雖病有十餘日。未誤服他劑。故

戰而得汗即愈。此方經驗多人。真可傳也。

少陰溫病。真陰欲竭。壯火復熾。心中煩不得臥者。黃連阿膠湯主之。

黃連阿膠湯方 黃連一錢 黃芩二錢 阿膠三錢 白芍一錢 鷄子黃二枚 水八

杯。先煮三味。取三杯。去滓。納膠煬盡。再納鷄子黃。攪令勻。分三次服。

溫病愈後。溼痰流入胃腑。嗽痰不咳。徹夜不寐者。半夏湯主之。

半夏湯方 製半夏四錢 秫米一兩俗謂之高梁是也 水四杯。煮取二杯。分二次服。

溫病後。虛煩不寐。酸棗仁湯。以和其陰。

酸棗仁湯 棗仁三錢 知母二錢 茯神二錢 川芎一錢 炙甘草一錢 枳實錢半

竹茹錢半

熱邪久羈。吸燥真陰。或因誤表。或因妄攻。神倦瘈瘲。脈氣虛弱。舌絳苔少。時時欲脫者。大定風珠主之。

大定風珠方 生白芍六錢 阿膠三錢 生龜板四錢 乾地黃六錢 麻仁二錢 生

鱉甲四錢 生牡蠣四錢 連心麥冬六錢 炙甘草四錢 浮小麥二錢 鷄子黃二枚

水八杯。煮取三杯。去滓。再入鷄子黃。攪令相得。分三次服。

婦女溫病。經水適來。脈數耳聾。乾嘔煩渴。辛涼退熱。兼清血分。竹葉玉女煎主之。

竹葉玉煎 生石膏六錢 乾地黃四錢 麥冬四錢 粉丹皮二錢 知母二錢 竹葉

三錢 水八杯。先煮石膏地黃得五杯。再入餘四味。煮成二杯。先服一杯。俟六時再服一杯。病解停後服。

熱病經水適至。十餘日不解。神氣昏迷。脈右長左沈。瘀熱在裏也。加減桃仁承氣湯主之。

桃仁承氣湯方 大黃二錢製 細生地六錢 粉丹皮三錢 人中白二錢 桃仁二錢

炒 澤蘭二錢

溫病愈後。面色萎黃。舌淡不欲飲水。脈遲而弦。不食。陽氣虛也。小建中湯主之。

小建中湯方 白芍六錢酒炒 桂枝四錢 生薑三錢 大棗二枚去核 膠飴五錢

炙甘草三錢 水八杯。煮取三杯。去滓。入膠飴。火上煬化。溫服三次。

溫病愈後。或一月至一年。潮熱脈數。喜飲不食者。胃陰虛也。五汁飲主之。益胃湯亦主之。

五汁飲 梨汁 荸薺汁 鮮葦根汁 麥冬汁 藕汁 或用蔗漿

益胃湯方 北沙參三錢 麥冬五錢 細生地五錢 玉竹錢半炒香 冰糖一錢 水

五杯。煮取二杯。分二次服。滓再煮一杯服。

伏暑溼溫積留。支飲懸於脅下。而成脅痛。或咳或不咳。潮熱。或寒熱如瘧狀。不可誤認柴胡症。蘇子旋覆花湯主之。

蘇子旋覆花湯方 蘇子霜三錢 旋覆花三錢包 生香附三錢 法半夏二錢 廣陳

皮二錢 茯苓塊三錢 薏仁米五錢 水煎服。腹滿者加厚樸。痛甚者加降香末。

支飲上擁胸膈。直阻肺氣。不令下降。呼吸難通。非用急法通利水道不可。葶藶子性急。瀉肺中之壅塞。然性頗慄悍。恐傷脾胃。故用大棗以護脾胃。使不傷他臟。一急一緩。一苦一甘。相輔成功也。

葶藶大棗湯方 苦葶藶三錢炒香碾細 大棗五枚去核 水五杯。煮取二杯。分二次服。

此方治胸脅痛不可忍極效。余身經二次。溼溫痛不止。百藥不效。此方服下即愈。又外子酒溼黃疸。每發必先右脅痛。且肢冷。醫用辛溫。服少許更甚。服此方即愈。此經驗良方也。

溫病燥熱久羈。傷及肝腎之陰。上盛下虛。或乾咳。或夜咳。甚則癭厥者。三甲復脈湯主之。定

風珠專翁大生膏亦主之。

三甲復脈湯方 定風珠方 並見前

專翁大生膏 西洋參四兩 茯苓四兩 龜板二兩另熬膠 鱉甲二兩另熬膠 猪脊

髓二兩 牡蠣二兩 海參二兩 鮑魚四兩 白芍四兩 蓮子四兩 麥冬四兩不去

心 羊腰一對 鷄子黃五枚 阿膠四兩 芡實六兩 熟地六兩 麩茸二兩 天冬

二錢 白蜜二兩 烏骨雞一隻去頭足 五味子一兩 枸杞子二兩炒黑 桑寄生二

兩 沙苑蒺藜二兩 右藥分二銅鍋。忌用鉄器。以食料歸一鍋。以藥料歸一鍋。文火細煉

一晝夜。去渣再熬二晝夜。陸續合爲一鍋。煎煉成膏。末下三膠。合蜜和勻。以方中之有粉無

汁之茯苓芡實蓮子白芍。研細末。合膏爲丸。每服二錢。漸加至三錢。早晚二服。此係照原方

八分之一也。此方不專治溫病傷陰之症。並治婦人血海乾涸。屢屢墜胎。或產後虛羸。或

小產後亡血過多。虛不復原者。均有奇效。

溫病上中下焦之症。大致不外乎此。特將溫病條辨中之精華。摘錄常有之症。常用之方。並

經驗者探出。臨症查之。以便明晰。一目了然。使天下之人。不致受溫表藥劑之害。似於生靈

不無小補云爾。

曾女士醫學
全書第二種
寒溫指南卷之四

●傷寒論治

傷寒者。風寒初受未發。鬱久由肺而轉入膀胱經。遇寒而發。其勢必重。陡然大寒。繼以大熱。頭痛如破。骨痛如折。無涕無汗。大熱不渴。脈必浮緊。左手之脈盛於右手。面色清白不油。初起速用表劑。使邪速從汗解而愈。如不速表。則遞傳各經。愈轉愈深。而難治。初起輕則用加味香蘇飲。或桂枝加葛根湯。冬月則麻黃湯亦可用。繼傳陽明胃經。則日痛鼻乾。唇焦不渴。宜葛根湯。再傳少陽膽經。則耳聾目眩。胸滿脅痛。口苦。寒熱往來。頭汗。脈弦。宜小柴胡湯。隨症加減。此三陽傳經之表症也。失治則傳入三陰矣。其傳太陰脾經者。則腹滿痛。下利脈沈。宜大柴胡湯。傳入少陰腎經者。則口燥咽乾痛。下利清水。目不明。則危矣。宜小承氣湯。傳入厥陰肝經者。少腹滿。舌捲囊縮。厥逆。用大承氣湯。亦有不傳三陰。而傳入太陽膀胱之腑者。則口渴溺赤。宜五苓散。傳入陽明胃腑者。則譫語狂亂。燥渴便閉。自汗不得眠。宜白虎湯。調胃承氣湯。以上爲傳經傷寒。因寒化火者。其有初起寒邪。直中三陰者。其症腹冷痛。吐清沫。

利清穀。蹠臥肢冷囊縮。舌黑而潤。脈沉細。此寒症也。中太陰脾經。理中湯。中少陰腎經。四逆湯。中厥陰肝經。白通加豬胆汁湯。急投勿緩。此乃醫中第一要症。故專論之。

傷寒一症。雖係險症。祇要初起審明症候。速用表劑。一汗而愈。萬不可夾用裏藥。亦不可佐以補藥。何爲裏藥。如厚樸枳殼神麴山查麥芽等下降之藥是也。病初起宜表藥者。取其升發。升發方能使邪由汗發泄。汗出病卽解也。裏藥者。下降之品。能引邪入裏。致令結胸發狂等症也。補藥者。參耆白朮等類。每見時醫喜用參蘇飲。爲虛人發表之用。殊不知卽虛人。既患風寒。亦宜用表劑。表出邪汗。非人身津液所化之汗。試觀凡患邪重者。每用表藥所出之汗。必有一種異常熱蒸臭味。出至清汗。病卽愈矣。故云。得汗卽止後服者。令出邪汗。不令出傷津液之汗也。故虛人傷風寒時邪之症。亦宜速令表出。再用清淡補劑。以扶正氣。並用飲食以養脾胃可也。

桂枝湯 治太陽中風。 桂枝 三錢 赤芍 三錢 炙草 一錢半 大棗 四枚 生薑 三片

麻黃湯 治太陽傷寒。 麻黃 一錢 桂枝 二錢 杏仁 十二枚 去皮尖 炙甘草 一錢

葛根湯 治邪傳陽明胃經。以此解肌。 葛根 二錢 升麻 一錢 秦艽 一錢 荊芥 一錢

蘇葉八分 白芷八分 赤芍一錢 甘草五分 生薑二片 引

小柴胡湯 治寒熱往來。少陽瘧疾。耳聾口苦。胸滿脅痛。柴胡二錢 法半夏一錢 黃

芩錢半 黨參五分 赤芍錢半 甘草一錢 發熱去參加桂枝。口渴去半夏加天花粉。

大柴胡湯 治傷寒邪入太陰脾經。柴胡錢半 半夏七分 黃芩二錢 白芍二錢

枳實一錢 酒大黃二錢

小承氣湯 大黃三錢 枳實錢半 厚樸一錢

大承氣湯 大黃三錢 枳實錢半 厚樸一錢 芒硝二錢

五苓散 治小便不通。茯苓三錢 豬苓八分 澤瀉八分 白朮一錢半 桂枝一錢

白虎湯 治陽明胃腑大熱。生石膏五錢 知母三錢 甘草二錢 粳米一合

調胃承氣湯 治胃熱譫語。便閉遶臍腹痛。大黃三錢 芒硝一錢 甘草五分

四逆湯 治少陰中寒。肢冷厥逆。附子五錢 乾薑五錢 炙甘草二錢

白通加豬膽汁湯 治陰盛隔陽。熱藥不入。附子五錢 乾薑五錢 葱白二錢 豬膽

汁五茶匙

曾女士醫學
全書第三種 雜症秘笈

華陽曾懿伯淵著

古越王慎軒重訂

男南山校字

●中風論治

中風一症。書曰。由正氣虛。外風乘間。由表入裏。衛氣不能捍外。則風入肌肉。故手足麻木不仁。名曰中絡。營血不能固內。則風入經脈。故身體重著。步履艱難。名曰中經。由此深入。則中腑。腑。胃府也。風入於胃。胃火熾盛。水穀之氣不生津液。而化痰涎。痰隨火升。阻塞靈竅。故昏不知人也。由此再深入。則中臟。臟者。心臟也。心體純陽。風火上擾。神明散亂。故舌不能言。口流涎沫。此偏枯症。由淺入深之次第也。主治者。河間主火。東垣主氣。丹溪主痰。各異其說。余意總不外氣血虛損。偏枯於左。則左中。偏於右。則右中。故中風者。在五十以外之人多。少壯者少。肥盛之人多。氣盛於外。而歎於內也。且湊理緻密。而多鬱滯。氣血難於通利。故多卒中。也。中風之症。實非外感之風邪。陽虛則逆上之痰生焉。陰虛則無根之火發焉。痰之壅滯。由氣虛不能健運脾土。土溼生痰。痰生熱。熱生風也。陰虛則腎水衰。水衰不能涵木。肝虛而生

內風。血枯不養經絡。是以筋骨無用。而癱瘓頑麻。不能運動矣。夫人身之氣。根於脾。脾氣充盛。則積溼盡去。而痰氣不生。胃氣和則津液上行。而虛火自降。然此症當其卒倒無知。倉猝之時。雖峻猛之劑。不得不隨症而施。俟痰涎下降後。再察看何經虧損。按經加以培養之品可也。

又云。厥逆痰壅。口噤脈伏。身溫爲中風。身冷爲中氣。又有痰爲中風。無痰爲中氣。許學士云。暴怒傷陰。暴喜傷陽。憂愁不已。氣多厥逆。往往得中氣之症。不可作中風治。

治中風症卒倒無知。痰湧口噤。宜搯人中。急用通關散吹鼻。再用京都同仁堂再造丸。偏於左者。用四物湯下。偏於右者。用四君子湯下。

預防中風法。凡人初覺大指次指麻木不仁。或手足少力。肌肉微掣。數年內恐有中風之症。防此患者。預先早服六味地黃丸三錢。晚服補中益氣湯。加竹瀝一小匙甚妥。老人中風卒倒。大抵氣血頹敗。陰陽脫離。若無痰氣阻滯者。當大補血氣。以固其脫。

炙黃耆 一兩

全當歸 五錢

人參 二錢 另燉沖

竹瀝 一勺

薑汁 一匙 沖服

治中風血虛者。筋節拘攣。手指屈而不伸。不能履步。舒筋通絡湯主之。

舒筋通絡湯 大生地四錢 全當歸二錢 酒白芍錢半 甘枸杞三錢 宣木瓜一錢 酒

炒 金毛狗脊二錢 去毛切 楮實子二錢 獨活一錢 川續斷二錢 秦艽一錢 桑

枝一尺 紅棗拾枚 去核 腿痛不能動 加牛膝二錢 臂痛不能舉 加桂枝錢半

治中風症。氣虛者手足弛縱。食少神疲。不能履步。或半身不遂。黃耆九物湯主之。

黃耆九物湯 黃耆二錢 防風一錢 黨參五錢 茯苓二錢 白朮一錢 鹿角膠錢

半角 霜炒 獨活一錢 酒炒 牛膝二錢 甘草五分 大棗二枚 乾薑三片

治中風氣血兩虧。而兼痰者。 絲黃耆五錢 全當歸三錢 酒白芍二錢 製半夏二錢

廣橘絡二錢 製首烏三錢 明天麻錢半 勾藤鈎二錢 秦艽錢半 茯神心木三

錢 甘枸杞二錢 清炙甘草一錢 竹瀝二茶匙 作二次沖服

治口眼歪斜塗方。 草麻子去壳研爛。左歪塗右。右歪塗左。一經改正。即速洗去。

治頭風偏於左。或時痛時止。乃陰虛血虧。肝火上逆之故。 石決明五錢 全當歸三錢

川芎二錢 川石斛三錢 白蒺藜二錢 去刺炒 酒白芍二錢 玉竹二錢 山萸肉一

錢 蔓荊子錢半 霜桑葉二錢 甘杞二錢 明天麻錢半 鮮夏枯草二錢

治頭風偏於右。多痰嘔逆。痛久不愈者。明天麻一錢 薑半夏錢半 茯苓二錢 陳皮

一錢 炒甘杞二錢 川烏頭一錢炮製 香白芷一錢 生甘草八分 川芎二錢 薑

汁一小匙

治頭暈目黑。此症多患於血虛勞心之人。及十餘歲幼童。陰虛火旺者亦多患此。水虧不能

涵木也。北沙參二錢 乾桑椹三錢 玉竹二錢 甘枸杞二錢 石決明三錢 勾藤鈎

二錢 元參三錢 抱木茯苓三錢 山萸肉錢半去核 黑豆皮三錢 清炙甘草一錢

治溼熱上蒸。頭目眩暈。能側臥不能仰臥。倦怠嗜臥。坐起反好。臥則更眩者。緣脾溼停飲上

泛之故。九蒸九晒首烏三錢 玉竹二錢 建澤瀉二錢半 懷山藥三錢 猪苓二錢

茯苓二錢 炒枳殼錢半 生薏仁三錢 霜桑葉三錢 元參二錢 勾藤鈎二錢

杭甘菊二錢 川芎錢半

治肝風頭眩。如登雲霧。泛泛欲吐。大生地四錢 白芍一錢 天麻八分 粉丹皮錢半

石決明八錢 柴胡八分 麥冬錢半青黛拌 甘菊二錢 靈磁石五錢整塊同煎 薄

荷八分

治胃熱頭腦暈痛。頭筋扛起者是也。瓜蒌根三錢。金釵石斛三錢。先煎薄荷五分。

生甘草二錢。川貝母錢半。赤芍二錢。竹葉一錢。燈心廿節。

治風寒頭痛。核桃仁二錢。細茶葉二錢。蔥頭二錢。生薑二錢。共搗爛以水一杯。煎至八分杯。熱服蓋被取汗即止痛。並治傷風。

治夏日頭面患癩。生地三錢。元參三錢。煨猪蹄腿肉一斤。食之效。用湯洗。

浸梳頭油方。生首烏三錢。側柏葉三錢。木瓜二錢。沒石子三錢。零陵香二錢。

香白芷三錢。檀香二錢。毛薑三錢。紫草二錢。細辛二錢。甘松二錢。丁香二錢。共搗碎。泡茶油。

治面生雀斑酒刺。面上一切癩點。玉容散效。白荷花瓣五錢。白滑石錢半。白附子二

錢。香白芷三錢。密陀僧二錢。白蘇二錢。爐甘石二錢。眞冰片五分。綠豆粉一

兩另磨篩。共晒乾爲細末。早晚洗面擦之。

治冬日手面凍裂粗糙。杏仁三錢去皮尖。天門冬三錢。天花粉三錢。白果三錢去

殼。紅棗四枚去核。猪胰一具。共搗爛如泥。用好燒酒浸於磁缸內。早晚洗後擦之。

治粉刺面皰。白殭蠶三錢 黑牽牛三錢 杏仁三錢 去皮 共研爲細末。洗面時擦之。

治面生瘰子。地膚子生明礬煎水洗。再用狗尾草搗爛。塗數日落盡。

治目生白翳。紅珠贅肉等恙。用石蟹磨水點之即退。

治雙目視如好人。夜間不能見物。俗名鷄蒙眼。藥肝方效。夜明砂 石決明 各三錢 研

細末。用猪肝八兩。切成八塊。每塊再切開弗斷。鋪藥於內。合定用麻縛之。淘米泔水二碗。

砂鍋煑透。每晚臨臥連肝帶汁食之。久之自明。

治風火目疾。赤腫痛不能開。一二劑即愈。當歸二錢 川芎二錢 生地二錢 防風一

錢 薄荷一錢 赤芍錢半 白芷一錢 黃芩一錢 桑皮二錢 甘白菊二錢 燈心

七寸 竹葉二十張

治目不紅不腫。乾澀作痛。陰虛水涸。不能上濟。肝陽也。宜滋陰降火湯。

滋陰降火湯方 生地三錢 沙參三錢 女貞二錢 茯苓二錢 麥冬二錢 生石決

六錢 粉丹皮二錢 杏仁二錢 東瓜仁三錢 穀精珠錢半 蟬退八分

治眼皮生珠。紅腫癢痛。俗名偷針眼。食鹽三錢 明礬二錢 泡湯洗之效。

治雀目。或夜不見物。並治疳疾。痘風眼。穀精草三錢。研末。蘸熟羊肝食。甚驗。

治風傷腦。鼻竅不通。清涕時流。係風傷之腦漏也。宜桑菊愈風湯主之。

桑菊愈風湯方 桑葉三錢 甘菊三錢 蔓荊子錢半 杏仁三錢去皮尖 枳殼錢半

桔梗一錢 川貝二錢 當歸錢半 川芎八分 黑芝麻一撮

治鼻流濁涕。頭腦酸痛。名曰鼻淵。皆緣肺移熱於腦也。甚則頭眩衄血。宜清肺飲主之。

清肺飲方 大生地三錢 麥冬三錢不去心 粉丹皮三錢 玉竹二錢 鮮石斛二

錢 黃芩二錢 桔梗錢半 霜桑葉三錢 蒼耳子二錢炒去刺 元參三錢 枳殼二

錢 絲瓜籐近根處三尺。燒灰。冲服。

治鼻衄。茜草根二錢 鮮石斛三錢 左牡蠣四錢 黑荊芥一錢 麥冬錢半青黛少

許拌 川貝母二錢去心研 夏枯草錢半 粉丹皮錢半 牛膝錢半

治少年耳聾。木耳五錢 醋炒。白糖拌食。自愈。

治腎虛耳鳴耳聾。女貞子三錢九蒸九晒 茯神三錢 赤茯苓三錢 建蓮肉二錢

粉丹皮錢半 牡蠣四錢 白芍三錢 靈磁石三錢 黑山梔一錢 生甘草五分 夏

枯草二錢

治腎虛耳聾又方。白毛烏骨雞一隻。甜酒三大碗。煮熟食之。三五隻即效。男用雄。女用雌。

治耳暴聾。口噙甘草一大片。耳中塞甘遂二塊。立效。

治風火牙痛方。石膏五錢。花粉三錢。鮮石斛三錢。連翹錢半。桔梗一錢。薄荷

八分。淡竹葉二十張。白茅根五錢。

治腎虧水不制火。虛火上升牙痛。生地三錢。龜板三錢。花粉三錢。石斛三錢。薄

荷一錢。連翹錢半。桔梗一錢。甘蔗三兩同煎。

擦牙固齒方。每年四五月。桑椹黑熟透時。採下洗淨。略晒乾水。用稀布擰出汁半面盆。買骨碎補一斤。切片浸入後。撈起炒乾。再浸。浸後又炒。將桑椹汁收完爲度。炒乾研細末。用瓶盛收貯。用時炒鹽少許。和勻裝一瓶。每早擦牙。以代牙粉。永無齒痛之患。余年幼時齒痛時發。得此方。至今十餘年不發。向有蛀牙搖動者。已堅固矣。誠妙方也。

治陰虛牙痛簡便方。地骨皮五錢。和雄猪蹄二隻。煨爛食效。

治舌色絳紅。邊尖破碎。舌有血痕而痛者。乃陰液大虧。心火上熾也。費氏大澤湯主之。

天冬二錢 生地五錢 人參錢半 柏子仁二錢 龜板五錢 麥冬錢半 茯神二錢

粉丹皮二錢 蛤粉四錢 丹參二錢 石斛二錢 燈心三尺 藕五大片

治風火喉痛兼發寒熱加減養陰清肺湯。

杭白芍四錢 連翹三錢 去心 粉丹皮二錢 大生地四錢 元參六錢 川貝母三錢

去心 蘇薄荷二錢 粉甘草一錢 胖大海二錢 鮮竹葉二十四片

治陰虛喉痛凡日間不痛夜間痛甚喉色紅赤不腫不起白泡者陰虛也。用甘枸杞一兩。

煨瘦猪蹄肉食之神效。

治咽喉腫痛日輕夜重痰如鋸聲陰虛也。透熟地八錢 山茱萸二錢 麥冬三錢 五

味子一錢 茯苓四錢 牛膝二錢

治虛寒喉痺頃刻而起痰在喉中响如打鼾舌白不腫此緣喉痺誤服涼藥所致如再延遲。

痰塞鼻喉不可救矣。上上肉桂心切薄片 炮薑 甘草各五分 共歸茶碗內用開水

沖入仍將碗頓於開水內時呷藥一口漫漫嚥下立愈此方余三十二歲親歷此症甚危險。

即用此方見效甚速後遇此症以此方救好數人並用生附子研末醋調敷兩足心亦引火

歸原之良法。

治虛勞咳嗽。北沙參三錢 甘枸杞二錢 懷山藥三錢 冬瓜仁三錢 甜杏仁三錢

阿膠珠二錢 炙橘紅一錢 炙甘草八分 燕窩根二錢 冬蟲夏草二錢 紫衣胡

桃二錢搗爛 治積飲咳嗽。背心作寒。溼痰留於肺絡也。三仁湯甚效。

三仁湯方 蘇子梗一錢 霜八分 大杏仁三錢 瓜蒌仁二錢 法半夏二錢 廣陳皮錢半 薏

苡仁三錢 廣橘絡錢半 冬瓜仁三錢 滌飲散一錢 茯苓三錢 桔梗錢半 煨薑

一片 小紅棗二枚爲引

附製滌飲散方。野於朮一兩米泔水漂去皮切片 另用甘遂四分 白芥子四分 大

戟四分 枳實一錢 煎水去渣。炙於朮。再加沉香五分。合研末。磁瓶收貯。勿令洩氣。

受寒咳嗽丹方。核桃連皮加冰糖少許。搗爛。開水沖服。數次極效。

又方。紫蘇兜七個 煎濃汁。煮雞蛋服效。

治久咳肺燥。無風寒者甚效。小豬肺一副。不見水。去心。將小磨麻油。灌入肺管內。以線紮

管頭。入砂鑊內。加水燉爛。早起空心吃肺。不用鹽。去浮油。連吃兩個全愈。

治風寒咳嗽。痰滯氣逆。陳皮 錢半 法夏 二錢 茯苓 二錢 白芥子 五分 杏仁 二錢

生薑 三片 飴糖 一兩冲服。

●吐血論治

經曰。心主血。而不能藏。夜則復歸於肝。肝藏血。而不能主。晝則聽令於心。心爲君。肝爲相。君火動。相火從之。相火動。六經之火從之。火動則血隨以動。迨至六經受傷。血液迸流。聚於兩脅。胸膈之間。從火而升。爲吐。爲咯。傷重者。從夾脊而上。如潮湧升。法當任其出。不得強遏。以所出皆敗血。卽遏之。亦不歸經也。必與以消瘀之品。佐以潤下之劑。使敗血下行。乃服止血藥。歸其經。再服補血藥。以還其元。此正治也。吐血治法。總宜降氣。不宜降火。蓋氣有餘。卽是火。氣降則火降。火降則氣不上升。血隨氣行。無溢出上竅之患矣。降火必用寒涼之藥。反傷胃氣。胃氣傷則脾不能統血。血愈不能歸經矣。今之療吐血者。大患有二。一則專用寒涼之味。如芩連山梔青黛柿餅灰四物湯黃柏知母之類。往往傷脾作瀉。以致不救。一則專用人參。肺熱還傷肺。咳逆愈甚。亦有用參而愈者。此是氣虛喘嗽。氣爲陽。不由陰虛火熾所致。然亦百無一二也。故宜行血。不宜止血。血不行經絡者。氣逆上壅也。夫血得熱則行。得寒則凝。

故降氣行。血則血循經絡。不求其止而自止矣。止之則血凝。血凝必發熱惡食。及胸脅痛。病日沈痼矣。經又曰。五臟者。藏精氣而不瀉者也。肝為將軍之官。主藏血。吐血者。肝失其職也。養肝則肝氣平。而血有所歸。伐之則肝不藏血。血愈不止矣。

治吐血法。余前用自製吐血方。治好多人。然亦視病人虛實寒熱加減。大致不離乎制肝清肺補陰養心。下氣之法也。

自製吐血方 鱉甲 三錢 醋炙 山萸肉 錢半 去核 甘枸杞 二錢 炙枇杷葉 二錢 山

藥三錢 清炙草 二錢 薏仁 三錢 茯神 二錢 棗仁 二錢 蘇子霜 一錢 二分 橘絡

二錢 降香 一錢 粉丹皮 錢半 火重加麥冬三錢。黃痰加川貝二錢。白痰加薄荷錢。

治吐血不因咳嗽而血上溢。皆緣虛損之人。陰火沸騰。血從火起。自擬制肝湯治之甚效。

大丹參 三錢 全當歸 三錢 釵石斛 二錢 女貞子 二錢 酒芍 二錢 茜草 一錢 茯

神 三錢 降香 二錢 薏米 三錢 東阿膠 二錢 蛤粉炒 旱蓮草 二錢 清炙草 二錢

藕節 五錢

治損傷吐血。吐血試法。如吐在水盆內。浮者肺血也。沉者。肝血也。半浮半沉者。心血也。各

隨所見。以羊肺羊肝羊心煑熟。蘸白芨末。日日食之效。如非損傷。係咳傷者。用薏仁末蘸食亦效。

治怔忡心悸方。棗仁三錢 當歸三錢 山藥三錢 酒芍二錢 丹參二錢 茯神三

錢 錢辰沙拌 柏子仁二錢 清炙草一錢 桂元肉三錢 橘絡錢半 遠志錢半 甘草

水炙 猪心一枚。連血切碎。熬湯去心代水煎藥。

治驚悸不寐靈效方。眞珠母六錢 龍齒二錢 酒芍半 夜合花二錢 丹參二錢

歸身二錢 蓮子二十粒打碎不去心 夜交藤三錢切 柏子霜二錢 紅棗十枚

治心胃氣痛。大丹參三錢 當歸三錢 製香附一錢 枳殼錢半 白蒺藜二錢 酒

芍三錢 川芎二錢 木瓜二錢 烏藥二錢 柏子霜二錢 炙甘草八分 右脅痛加

白芥子錢半。左脅痛加左金丸五分。

治痰飲積聚。胸膈作痛。甚至牽連脅背。當用瓜蒌薤白散效。薤白頭三錢取白 瓜蒌皮

三錢 製半夏三錢 甜白酒二杯。水一杯半。同煎服。

治心胃諸痛多效。婦人更效。名丹參飲。丹參一兩 檀香一錢 砂仁一錢 水一杯半。

煎七分服。

治手足痠痛，難以屈伸。乃肝木鬱結所致。用逍遙散加減方。服二劑病若失。柴胡錢半。

當歸二錢 白芥子一錢 炙甘草八分 茯苓二錢 酒芍二錢 黑山梔錢半 粉丹

皮一錢 製半夏錢半 白朮錢半

治哮喘妙方。海螵蛸瓦上焙乾爲末。大人五錢。小人二錢。紅砂糖拌勻調服。數次斷根。

治半夜口乾舌燥。至咽喉無絲毫津液以潤之。此症人必爲是陰虛液枯所致。或用滋陰藥不效。又用參麥湯不效。今試驗知其故。係肺氣閉塞。不得升降之故。試問有人患此者。必係鼻息有一邊不通。睡著時必張口睡。故口舌乾燥。如閉口睡。則無乾燥之象矣。所以不能閉口者。係肺氣阻塞。上逆鼻管。氣出不了。不得不張口以出氣也。懿多年如此。而偏左則能閉口。口不乾。偏右則開口。口卽乾。因思其故。偏右則將肺竅壓住。氣不升降。故氣上逆。臨睡時。偶服杏酪茶一鍾。夜朝右睡。鼻息亦通。口亦能閉。則口不作乾矣。可見杏仁能升降肺氣。十餘年之小恙。一朝省悟。特筆紀之。

治肝氣犯胃。食入卽吐。病名關格。氣機不利。營衛虧損。孤陽獨發。故上下不通也。宜解鬱和

中湯。白蒺藜四錢 歸身二錢 酒芍錢半 合歡花二錢 青皮一錢 茯苓二錢

鬱金二錢 降香五分 肉桂五分 牛膝錢半 玫瑰花五分 紅棗五枚去核

治關格痰氣上逆。食入嘔吐。人參半夏湯主之。 潞黨參二錢 當歸身二錢 陳佛手五

分 白檀香五分 法夏三錢 廣皮一錢 茯苓二錢 鬱金二錢 佩蘭一錢 薏米四

牛膝二錢

治孤陽獨發。阻隔飲食。甚則作呃。和中大順湯主之。 潞黨參二錢 丹參三錢 麥冬二

錢 潼白蒺藜各三錢 柏子仁二錢 丹皮二錢 赤白芍各一錢 合歡花二錢 生地

四錢 赭石三錢煨研 鬱金二錢 蔻殼八分 竹瀝二匙 薑汁二滴 同沖服

治膈噎二症。總以養血健脾為主。多由脾氣虧敗。血液枯耗。隧道滯而成病。治之非易。前在
皖北。聞一弁云。昔日從軍至汴省。中途得膈噎病。能飲不能食。過一集鎮。以大鍋煮鷄十餘
只賣者。因口渴。卽市其汁飲之。味濃而極鮮。食下卽達於下焦。不似前之飲水格格不入。遂
連購數碗飲之。則漸能進食。此後每食必用鷄湯煮粥。食之。胃膈卽開。病卽愈矣。可見此病
之虧損。非賴肉汁不能補也。况十餘只之鷄汁。其濃可知。此方真可傳也。如遇此症。可用極

肥老母鷄。殺剖洗淨。切至極碎。和冷水漫火熬成濃汁。不加鹽。略加薑汁飲之。無不見效。又用濃鷄汁。治噤口痢。亦有奇驗。古方有用糯米裝鷄腹內。煑爛食。治膈噎病甚效。

治黃疸。內經有開鬼門。潔淨府等法。開鬼門者。開其腠理。使熱邪從肌表出也。潔淨府者。瀉其膀胱。使溼邪從小便出也。然外感之熱。可從汗解。若陽明內蘊之熱。發汗則劫陰而內熱更甚。祇宜清胃熱。利脾溼。而汗吐下三法。均不可用矣。

治面目發黃。口燥而渴。小便赤澀。胃火熾盛。溼熱薰蒸。是為陽黃。費氏導黃湯主之。葛根

二錢 花粉二錢 木通二錢 茵陳三錢 萆薢二錢 山梔錢半 連翹錢半 茯苓

二錢 車前二錢 澤瀉錢半 苡仁一兩煎湯代水

治面赤發黃。身冷不渴。小便微黃而利。此為陰黃。茵陳朮附湯主之。茵陳三錢 白朮二

錢 附子一錢泡 茯苓二錢 當歸二錢 廣皮一錢 半夏一錢 砂仁一錢 苡仁

八分 薑皮八分

治酒疸。平日嗜飲。溼火薰蒸。面目發黃。黃甚則黑。心中嘈雜。雖食甘芳。如啖酸辣。小便赤澀。

茵陳玉露飲主之。茵陳三錢 玉竹三錢 石斛三錢 花粉二錢 葛根二錢 山梔

錢半 廣皮一錢 半夏一錢 茯苓二錢 葶藶二錢 苡仁一兩煎湯代水

治肝木剋脾土腹痛方。酒炒白芍三錢 炙甘草二錢 煎服效

治脾土為寒溼所凝。當臍脹滿作痛。悅脾湯主之。薏米四錢 茯苓二錢 茅朮一錢

烏藥一錢 枳殼一錢 白朮一錢 六神麴二錢炒 生薑二片 煨木香八分 東瓜

皮三錢

治腹脹水瀉方。霍香梗二錢 大腹皮二錢酒洗 茯苓皮三錢 車前子二錢 猪苓

二錢 澤瀉二錢 穀芽三錢 木瓜錢半 煨木香八分

治腎虛五更瀉。骨碎補四錢去毛切片 青鹽五分和炒 用猪腰一對剖開。將骨碎

補夾入紮好。加酒水各半煨服。

治腰痛不止。溼鬱經絡之故。薏米六錢 芡實三錢 木瓜一錢 杜仲二錢炒 茯苓

三錢 土炒白朮二錢 絲瓜絡三錢 刀豆殼二錢燒 澤瀉二錢

治腎虛腰痛方。川杜仲三錢 青鹽錢半 以猪腰一對。夾藥。火煨熟。用酒送下。

治風溼腰腿作痛。加減獨活寄生湯。獨活一錢 茯苓二錢 威靈仙錢半 肉桂心五

分 桑寄生二錢 當歸二錢 牛膝一錢 防風一錢 秦艽一錢 金毛狗脊二錢

炙甘草五分

治兩腿轉筋方。木瓜三錢 茯神心木四錢 乳香二錢 歸身三錢煎服

治腳氣痛方。小桑枝二錢 鬱金二錢 黑山梔錢半 木瓜二錢 黃芩二錢 酒白

芍二錢 龜板三錢炙 茯苓二錢 乳香一錢 川草薺二錢 枳殼錢半

曾女士醫學
全書第四種
婦科良方

華陽曾懿伯淵著

古越王慎軒重訂

男南山校字

婦女之病。治法均與男證同。惟多經帶胎產而已。昔者女子幽囚於深閨之中。不能散悶於外。非但中懷鬱結不舒。卽空氣亦不流通。多病之由。職是故也。主治之法。審其無外感別症。惟有養血疏肝爲主。幸年來漸趨文明。講求運動衛生。婦科之病。當因之而減矣。至若胎前產後生死交關。慎勿忽諸。

治室女經閉。全當歸三錢 川芎二錢 酒芍二錢 益母草二錢 粉丹皮錢半 生

地二錢 丹參三錢 四製香附錢半

治室女經時腹痛。當歸三錢 川芎一錢 酒芍二錢 丹參二錢 香附一錢 延胡

索錢半 羌蔚子錢半

治室女倒經。或衄血吐血。生地三錢 當歸三錢 川芎一錢 酒芍二錢 丹皮二錢

阿膠三錢 蒲黃炒 黑山梔錢半 黃芩二錢 茜草一錢 白茅根三錢

治婦女臟燥。悲傷好哭。自己不解其故。如有鬼神附者。生甘草二兩 小麥三兩 紅棗

十枚去核 水六大碗。煮成三碗。分三次服。

治婦人久虛羸瘦。經水不調等症。屢驗屢試。調經種子良方也。全當歸 八兩用手扭斷寸

長紅棗一斤去核 用好燒酒二斤。拌藥放砂鍋內。隔水燉半日。俟冰涼後。再用好甜酒八

斤。泡二十日取出。隨量飲之。其病若失。

治婦人經水不調。氣血不和。不能受孕。或生過一胎。停隔多年。服此酒自能調經受孕。名曰

調經酒。此方經效數人。全當歸 五兩 遠志肉 三兩生甘草 泡水洗 以二味藥。用稀布

盛之。浸於甜白酒十斤內。浸過七日。每晚溫服。慎無間斷。

治肥胖不孕痰多者。川芎 五錢 野朮 一兩 茯苓 一兩 神麩 五錢 當歸 五錢 法

半夏 一兩 製香附 五錢 清炙甘草 三錢 橘紅 二錢 以米湯粥和丸。每日空心服三

錢。久服必孕。

治經血先期。脾虛有熱。難於胎孕。金匱當歸湯加減用之效。全當歸 三錢 芎藭 錢半

酒芍 三錢 大生地 三錢 酒炒 黃芩 二錢 土炒野朮 二錢 山萸肉 錢半 茯苓 三錢

粉丹皮 錢半 阿膠珠 二錢 蛤粉 拌炒

治孕婦惡阻。嘔吐不食。此症若稍能進食。惡阻不過甚者。一二月即愈。可不必服藥。倘若向係陰虧。脾弱肝旺。直不能食。數月不止者。最爲傷人。惟傅青主所擬順肝益氣湯加減服之。稍有效驗。潞黨參三錢。當歸四錢。陳皮三分。土炒白朮錢半。蘇子霜二錢炒研。麥冬三錢不去心。茯苓一錢。透熟地三錢。砂仁一粒炒。酒芍二錢。烏梅肉一枚爲引。

安胎奇方。

墨魚四兩略洗曬味

老母鷄一只殺淨

將墨魚裝入於鷄腹之內。同炖爛食之。永無小產之患。

治慣小產。每覺有孕。即製千金保孕丸一料。每早空心米湯下三錢。隔五日服泰山磐石飲一劑。遇有外感傷風等恙。即停服前方。服保產無憂散一劑。服至五六月後。即止。萬不致再小產矣。有人小產五六胎後。照此服食。無不保住。此方經驗多人。故特記之。

千金保孕丸

懷山藥

四兩微炒

杜仲三兩去粗皮鹽水炒

川續斷二兩酒炒

共爲

末。糯米糊爲丸。如梧子大。每早服三錢。米湯送下。

泰山磐石飲。

黃耆一錢炙

杜仲一錢薑汁炒

黃芩錢半

生白朮五分去皮

茯苓

一錢 阿膠一錢 蛤粉炒 甘草五分 續斷八分 蘇梗五分 糯米百粒。酒二杯。水二杯煎。

保產無憂散。卽常州俗名曰宮中十二味也。常人稱爲安胎要藥。此方補表瀉兼用。強壯者服之尙宜。虛弱者服之心嘈不安。似與血分有礙。余曩昔深畏之。遇有感冒以代表劑尙可。後逢妊婦虛弱者。偶有風寒外感。卽用此方。頗有效驗。

保產無憂散。全當歸錢半酒浸 川貝母一錢去心 羌活五分 蘄艾七分醋炙 細

甘草五分 荆芥穗八分 川厚樸七分薑汁製 枳殼六分炒 兔絲餅一錢四分 生黃

耆八分 白芍冬用一錢春夏秋用一錢二分 川芎錢半 水二碗。薑二片。煎八分溫服。

治瘦弱虛損之人。下元不固。血海乾涸。屢屢墜胎者。用專翁大生膏。定獲奇效。或產後虛羸。或小產後亡血過多。虛不復元者均效。

專翁大生膏方。西洋參四兩 茯苓四兩 龜板二兩另熬膠 鱉甲二兩另熬膠 牡

蠣二兩 海參四兩 豬脊髓二兩 烏骨雞一隻去頭足 鮑魚四兩 白芍四兩 羊

腰一付 蓮子四兩 阿膠四兩 麥冬四兩不去心 雞子黃五枚 芡實六兩 五味

子一兩 熟地六兩 沙苑蒺藜二兩 枸杞子二兩炒黑 桑寄生二兩 麋茸二兩
 天冬二兩 白蜜二兩 右藥分兩銅鍋。忌用鐵器。以食料歸一鍋。以藥料歸一鍋。文火細
 煎一晝夜。去渣再熬二晝夜。陸續合爲一鍋。煎煉成膏。末下三膠。合蜜和勻。以方中之有粉
 無汁之茯苓芡實蓮子白芍。研細末合膏爲丸。每服二錢。漸加至三錢。早晚二服。此係照原
 方八分之一也。

治氣血虧損難產。正產者。天授之職分。本可無須服藥。待其果熟而蒂自落。惟氣血素虧。亦
 須賴藥力扶持。以免滯產。悶損小兒也。雖有開骨散一方。重於活血。莫如蔡松汀難產神效
 方。大劑方藥。氣血兩補。尤爲見效。茲特開附於後。

蔡松汀難產神效方 熟地黃一兩 眞綿耆一兩炙 當歸身四錢 白茯神三錢 西
 黨參四錢 酒白芍一錢 甘枸杞四錢 敗龜板八錢醋炙 撫川芎二錢 水三碗。煎
 成一碗。只服頭煎。不必二煎。連服二三劑。無不順生。此方大補氣血。無論產婦強弱。連服此
 藥。痛可立減。胎自順生。世有此方。可保永無難產矣。
 治產母。於小兒甫下地。生死判於頃刻者。有二急病。須詳察施治。一血暈。一氣脫。血暈者。實

症也。因小兒下地。惡露不行。瘀血衝心。以致神昏口噤。不知人事。用韭菜一把切碎。和醋一大碗。用燒紅炭投下。安產母鼻前薰之。少頃即甦。速將生化湯煎濃與服自愈。氣脫者。虛症也。此因平素虛弱。臨產勞力。小兒下地。血去過多。氣不攝血。血亦隨氣而脫。口開自汗。六脈細微。氣脫也。須用參者。奈世人執古不化。不敢用參。仍用生化湯等破血。危在目前。少有救者。余妹仲儀。人本瘦弱。生第三胎。產時艱難。小兒下地。即暈去。灌以生化湯不效。彼時余爲照料藥餌。即查醫書。審係氣脫。非血暈。即私將臨產所用之濃參湯。攪半盞於二煎之生化湯內。當與服之。即甦。彼時余已廿歲。尙未出閣。亦未告諸一人。誰料吾妹又連生二胎。至第六胎。氣血愈虧。仍是小兒生下。氣隨脫而亡矣。噫。時余已歸閨。不復見及。至今思之。深爲痛悔。今擬此篇。隨筆紀之。以利後世。生化湯雖係產後要劑。然去血多者。亦不宜服。茲將氣脫方擬於下。至兒一下地。即暈迷不語。急用銀針刺眉心。得血即生。速用後方煎湯一碗灌之。

西潞黨 一兩 全當歸 一兩 綿黃耆 二兩 酒白芍 一錢 炮薑炭 一錢 炙甘草 一錢

川芎 一錢

治產後空腹痛。蓮蓬殼 三個 煎湯服立止。

治產後小兒生下。去血過多。遂遺下一物。如脂膜狀。乃氣血素虧。產前勞傷。肝之脂膜。隨血崩墜。名曰肝痿。如惡露多下。須大補氣血。略加升提之品。一劑即收。此係經驗過者。勿因新產不敢用補也。生黃耆五錢 潞黨參二錢半 全當歸三錢 酒洗 升麻六分 酒炒 焦白芍二錢半

治產後傷尿胞。淋漓不止。須趁產後下半月。治之得法。即補好矣。用傅青主完胞湯。加減用之效。生黃耆三錢 潞黨參五錢 桃仁十粒 研去皮尖 白芨末一錢 茯苓三錢 去

皮 川芎三錢 益母草錢半 先用豬羊胞一個。煎湯代水。饑時服數劑即愈。

治產後發熱。口渴。係血虛也。即用當歸補血湯治之。其效如神。炙黃耆一兩 全當歸三錢 水煎服。

治產後咳嗽痰多方。全當歸二錢 川芎一錢 桔梗四分 知母五分 炒 甜杏仁十

粒 去皮尖 研 半夏麴七分

通。治產後大便祕結不通。生化湯加肉蓯蓉一錢 大麻仁一錢 柏子仁二錢 煎服即

治乳少能多方。黃耆一兩 全當歸五錢 通草三錢 白芷五分 雄豬七星蹄二對。同燉爛。去藥。食蹄湯。乳自充足矣。

治婦人乳。被兒口含吹氣。閉塞乳孔腫痛方。葱一大把。連鬚白搗爛。炒熱敷之即消。另用

金銀花一兩 蒲公英五錢 水酒各二杯。煎服即睡。睡醒即消。

治乳癰紅腫 大瓜蔓二個搗碎 生甘草五錢 當歸五錢紹酒洗 乳香七分去油

沒藥七分去油酒水各半煎服。以渣搗爛敷之神效。

治乳癰神方。川貝母錢半 知母錢半 穿山甲一錢 白芨一錢 製半夏八分 花

粉錢半 金銀花二錢 皂角刺八分 洋乳香一錢去油 酒二杯。水一杯。煎服。以渣和

芙蓉葉搗爛。加蜜少許。敷患處。一宿即消。以上三方。余已治好多人。

治乳巖其初如桂圓核大。隱於肉內。不紅不痛。久久漸大。根益堅深。有一絲絲抽痛。即漸大發作難治矣。初起速用陽和湯。加土貝母五錢。煎服可消。外用山藥鱒魚膏敷即愈。

陽和湯方。熟地一兩 麻黃五分 鹿角膠三錢 白芥子二錢炒研 上肉桂心一錢

生甘草一錢 炮薑炭五分 土貝母五錢 不用引。水煎服。

鯽魚膏方。 生山藥三寸 小活鯽魚二三條。和山藥搗爛如泥。用布攤帖。癢極勿搔。隔布揉之。內服陽和湯。外敷膏。數日即愈。若待成功。頗難治也。慎之。

治產後虛羸。心腹疝痛。或受寒腰腹墜痛等症甚效。 肥羊肉一斤 當歸五錢 黃芪八

錢 生薑六錢 水三碗。酒二杯。煮爛食。

治血不歸經。經多妄行。血崩等症。 整枝當歸六錢不切 眞阿膠一塊 海螵蛸三錢

棗仁三錢 大生地五錢不切 茯神五錢 白毛烏骨雞。不論雌雄。殺去毛雜。將藥塞雞

腹內。加黃酒一杯。放砂鍋內。隔水蒸爛。食之。無白毛烏骨。即全黑毛雞亦可。

治殺血心痛。乃因血去過多之故。亦有勞心過度。亦患此症。痛時陡然痛起。痛勢甚劇。或食

油湯稍愈。 鮑魚四兩切片 茜草二錢 海螵蛸五錢 肥母雞一隻。殺淨。將茜草海螵

蛸裝雞腹內。縫好。鮑魚和雞煮爛。將腹中藥挖去。食雞與鮑并湯神效。



曾女士醫學
全書第五種
幼科指迷

華陽曾謫伯淵著

古越王慎軒重訂

男南山校字

嬰兒臟氣未全。不勝藥力。週歲內非有重症。少投藥餌。卽三歲以內。形氣亦尙嫩弱。用藥不可太猛。峻攻驟補。皆非所宜。至持脈尤不可憑。惟察色觀形。或視三關指紋。稍有依據。學者當詳細審察之。

看虎口三關法。小兒三歲以內。看男左女右。虎口三節。曰三關。紋色紫者熱。紅者傷寒。青者驚風。白者疳病。黃色淡色。乃平常小恙。其筋紋宜藏不宜暴露。若黑色則爲危險。再脈紋見下截風關爲輕。中截氣關爲重。上截命關爲尤重。直透三關爲大危。

小兒因產母難產。閉氣過久。落地不哭。急將口中血塊掏去。如天寒。速將棉物抱蓋。用紙捻點火。向臍帶往來燻之。其煖氣入腹卽啼。

小兒初生開口藥方。須下淨瘀毒。糞下黃色爲度。桃仁三分 當歸三分 紅花三分
枳殼三分 黃連二分 熟大黃三分 甘草四分 水一杯。煎成五分。用小果瓢喂之。藥

後再用連皮合桃搗爛。開水沖搗。用布絞汁。與食之。皆能去胎毒。

小兒初生七日內。看其上齶有白星如粟米者。須用青布蘸米泔水擦下。或挖出。勿令吞下。塗以陳墨。卽不致臍風等恙。

小兒未滿月。驚搐似中風。用辰砂以新汲水濃磨汁。塗五心最效。

小兒臍中溼腫。經久不愈。恐發驚搐。宜用枯礬龍骨各三錢爲末。稍加麝香乾搽之。

小兒胎毒。馬牙鵝口白。不能吮乳妙方。日出時。用刀斫桑樹二三下。少時漿出。取下和蜜塗之立愈。并治撮口等患。

小兒口瘡妙藥。黃柏蜜炒五分。青黛一分。爲末頻擦患處。

小兒牙疳神效方。青黛五分。黃柏五分。薄荷五分。人中白一錢。兒茶一錢。冰

片一分。共研細末。先用青布洗去白膜。用管吹患處立效。

治小兒口瘡。用吳茱萸末。醋調。貼兩脚心。

治小兒禿瘡胎毒一切溼瘡。老松香二錢。黃丹一錢。鉛粉五分。青黛一錢。白礬

二錢。蒺藜一錢。苦參二錢。共研細末。麻油調擦。

治小兒天泡瘡。白荷花曬乾爲末。麻油調擦。

治小兒奶癬瘡方。大楓子肉二錢半。黃柏二錢半。蛇床子八分。枯礬五分。雄黃

五分。輕粉六分。共爲末。腊猪油調擦。

小兒遍身疥癬熱毒。先以此湯洗之。殭蠶二錢。葱白二錢。花椒二錢。明礬二錢。

茵陳二錢。煎湯頻洗。毒必發出。然後擦換形散。

換形散。青黛三錢。黃柏三錢。枯礬三錢。雄黃三錢。硫黃三錢。共研細末。溼則

乾擦。乾則麻油調擦。

小兒薙髮後。用杏仁三。薄荷葉三片。共研細末。以麻油調擦頭上。卽避風邪。永無瘡

毒。

治小兒熱癬。芙蓉葉。秋菊花葉。共搗爛敷之效。

治小兒生熱痱子。飛滑石五錢。綠豆五錢。磨細粉。共合篩過。以棉撲之。

治小兒吐乳。或不食乳。米十餘粒炒焦黑。乳半杯。水半杯。小葱頭一個。煎至五

分。服之極效。

治小兒吐乳方。炒麥芽一錢。橘紅四分。丁香一分。水煎服立止。

治小兒痰喘有聲。胡桃肉連皮搗爛三錢。麥芽一錢。煎水加冰糖少許。沖服。喘止痰

消甚效。

小兒傷風咳嗽方。蘇梗八分。杏泥錢半。前胡八分。赤芍八分。荊芥八分。陳皮

六分。製半夏五分。桔梗五分。甘草三分。生薑一小片。爲引。

小兒咳嗽。食少。髮黃。脾虛也。真山藥一味。切成小塊。煑爛。和白糖。帶微湯服食。最有益

脾胃而能止嗽。經驗妙方也。

小兒急驚者。係感冒風寒。或傷乳食。鬱久皆能生痰。痰積化火。火升痰亦升。痰火上壅肺竅。

則諸竅皆閉。此症總是發熱不退。熱重則肝風內動。所以拘攣弓仰。掣顛竄視。正發搐時。卽

以通關散開其嚏。得嚏則醒。但忌抱緊。恐傷其筋絡。致成殘廢。聽其抽搐。過時卽愈。當用清

火降痰湯。連翹錢半。銀花一錢。勾藤錢半。枳殼一錢。貝母八分去心。天竺黃

錢半。黃芩八分。甘草五分。車前子一錢炒。

急驚定後。當用清熱養血湯。細生地二錢。丹參錢半。丹皮一錢。赤芍八分。黑山

梔一錢 生甘草五分

治慢驚法。世間所謂慢驚風。即脾虛生內風也。凡小兒因發熱不退。或吐瀉久則脾虛。肝木乘之。是內風侮土。非外風也。此皆平日受暑受寒。或傷於食。皆能作吐作瀉。或吐瀉交作。久則脾土弱。肝木旺。久瀉漸見青色。面色痿白。神氣懨懨不振。而慢驚成矣。初起用異功散加減。

異功散方。潞黨參二錢 土白朮一錢 茯苓二錢 陳皮八分 炙甘草一錢 吐則

加藿香一錢 煨薑二片 瀉青色加煨木香六分 肉桂三分

慢驚虛寒甚者。脈息微細。唇舌痿白。手足皆冷。此將脫之症。或先用逐寒蕩驚湯。沖開寒痰。再進溫補。加減理中地黃湯甚效。

逐寒蕩驚湯。丁香十粒研 炮薑一錢 胡桃一錢研 肉桂一錢研不見火 伏龍肝

三兩先煎澄
精去滓煎藥 藥四味。煎半茶杯。灌下。吐瀉立止。服後方定獲奇效。

加味理中地黃湯。熟地五錢 當歸三錢 黃肉一錢六分 枸杞一錢 炮薑錢半

黨參二錢 炙甘草一錢 棗仁二錢 炙黃耆三錢 肉桂一錢 補骨脂一錢 白朮

四錢 生薑三片 紅棗三枚 胡桃肉二個打碎 竈心土二兩煑水澄清煎藥。取濃汁大半茶杯。寒重者加用附子三分。煎水攪入。量小兒大小分數次灌之。如咳嗽不止。加御米殼一錢。金櫻子八分。如大熱不退。加白芍一錢。瀉不止。加丁香六分。只服一劑。卽去附子。小兒夏日暴吐瀉。切不可作虛寒治。憶昔余在川時。大兒甫一週餘。五月陡患洞瀉如水。氣息奄奄。手足轉冷。適遇一官醫。熟讀景岳全書者。專喜熱補。延其診視。謂口冒冷氣。的係虛寒。重用溫補之劑。深恐見疑。坐視藥煎好。喂下數口。方去。是夜不瀉。惟吐而大渴不止。連要茶水及乳。而食至咽卽吐。一夜滿床亂翻。并喜覆臥。查其病勢。實係暑象。遂將其病源詳開。請常州瞿槐廷來診。開方服下卽安。後再用清淡解暑之品。與服數日。大便照常。小便清長。可見手足寒冷。不可泥於定係寒症。此方雖經三十餘年。今尙記憶。特紀之以示後人。開

口吳茱萸 七粒泡淡 川連三分 白扁豆三錢連皮 陳皮八分 薏仁米三錢 六一

散二錢 茯苓二錢 澤瀉錢半 千里泥一撮 荷葉梗七寸 爲引

小兒泄瀉不止方。山藥粉 每用二錢。砂糖冲服。卽愈。

小兒痘科一症。今不必議。既有牛痘種兒。又不傷元氣。且無須服藥。倘爲父母者。因循不早

爲種牛痘。自誤其兒也。惟牛痘後必有痲症隨後。或在痘後月餘。或一年之內必出。倘牛痘前所出。皆不算真痲也。必痘後所出。方算餘毒盡出矣。

痲子出時。必先流涕。眼淚汪汪。必發寒熱。或咳或咽痛。必須慎風寒。忌油鹽葷腥等物。初起宜服。當歸三錢。荊芥一錢。防風一錢。白芍一錢。升麻三分。葛根五分。生甘草

一錢

痲子出不透者。用葱白元荊菜各一大把。水酒煎。用苧麻蘸汁。五心遍身擦之。卽透。

小兒痲疹後。咳嗽久不止者。甜杏仁二錢。去皮尖。薏仁二錢。山藥二錢。竹葉二十

片。梨三片。水二碗。煎八分。作茶飲。

小兒疳積。面黃肌瘦。腹大。食不生肉等症。北沙參三錢。茯苓三錢。土白朮錢半。穀

芽三錢。炒枳殼二錢。焦山查二錢。陳皮一錢。澤瀉二錢。砂仁五分。鷄肫皮三

錢。炒香

小兒疳疾。以消疳鷄肝散。治五疳如神。鷄肝壹具。不落水。雄黃二分。研末。磁碗盛之。和好酒少許入肝內。飯上蒸熟食之。卽愈。

小兒疳疾。腹大面黃肌瘦。用立秋後大蝦蟆。去頭足腸。砂仁末一錢裝入腹內。溼紙包好。火煨熟。食之效。

小兒疳疾。腹大膨脹。黃瘦倦怠等症。用一味鷄金散。鷄內金不落水者。炒香研末。不拘何食。如粥菜等類。均可加入與食。最能磨積殺蟲除溼。故與小兒脾病有益。蓋鷄之脾能復脾之本性也。

小兒疳疾生蟲。梘子不拘多少。炒熟。任食自愈。

又方。鵝不食草一把。蒸精肉淡食。一二次蟲化為水。

小兒健脾消積粉。鍋焦二斤炒黃。砂仁一兩。山查二兩蒸。蓮肉三兩去心。鷄肫

皮八錢炒香。共磨細粉。臨時加白糖沖食。

小兒痞疾。面黃肌瘦食少等症。石燕子。瓦楞子俱用醋煨為末。紫口蛤蜊殼燒灰存

性。右等分為末。每以三錢。用羊肝半具。竹刀劈開。摻藥於內。線紮。砂鍋內煑三炷香。去藥

食肝與湯。無不立效。

小兒痞疾外敷藥。水紅花子五錢。研細末。以麵糊成餅。加麝香一釐。放痞上。以熨斗烙之。

數次即愈。大人小兒癖疾均效。

小兒夜間遺尿。腎經不固也。懷山藥三錢 益智仁二錢 桑螵蛸二錢 烏藥一錢

用豬小肚一箇。盛藥煨爛。食小肚。及湯。

小兒小便初下如常。良久變如米泔。此溼下注也。久恐成疳。宜除溼化積健脾為主。赤豬

苓各二錢 滑石二錢 陳皮八分 薏仁米三錢 穀芽二錢 神麩二錢 鷄內金二

錢炒 甘草六分 燈心七寸爲引。



華陽曾懿伯淵著

古越王慎軒重訂

男南山校字

外科一症。須分陰陽。陰毒之症。皆皮色不變。發於五臟。故根深白陷。名之曰疽。有腫有不腫者。有痛與不痛者。有堅硬難移者。有柔軟如棉者。不可不辨。腫而不堅。痛而難忍者。流注也。腫而堅硬。微痛者。貼骨鶴膝橫痃骨槽等類也。不腫而痛。骨節麻木。手足不仁者。風溼也。堅硬如核。初起不痛者。乳巖瘰癧也。不痛而堅。形大如拳者。惡核失榮也。不痛不堅。軟而漸大者。癭瘤也。不痛而堅。堅如金石。形大如升斗者。石疽也。此等症候。盡屬陰虛。無論平塌大小。毒發五臟。皆曰陰疽。如尙疼痛者易消。重按不痛而堅者。毒根深固。消之不易。則治之尤不容緩也。

石疽惡核治法同。初起一核。漸大如拳。堅硬如石。急以陽和湯犀黃丸。每日早晚輪服。日久現出紅筋。則不可治。若生斑片。潰爛在卽。潰後放血三日而死。若現青筋可治。內服陽和湯。外用活商陸根搗爛。加食鹽少許敷之。數日作癢。半月皺皮。日敷日軟。有膿袋下垂。以銀針穿破。用千金托裏散。加熟地生耆各一兩煎服。十劑後。用陽和解凝膏貼上。空出頭。膏外用。

布捆緊。務使皮膜相連。內服十全大補湯。或保元湯。參耆俱用生者。服至收功爲止。

陽和湯方 治石疽惡核痰核癰癤乳巖失榮流注橫痃。並一切色白平塌陰疽等症。此爲

陰疽聖藥。萬應萬靈。屢試屢驗之良方也。熟地一兩 眞鹿角膠三錢 上肉桂一錢

麻黃五分 生甘草一錢 炮薑炭五分水煎服。不用引。服後飲好酒數杯。戒房事。服至病

愈爲止。無論冬夏皆宜。不可增減。

陽和解凝膏 治一切已破陰疽惡毒。最爲神效。不可輕視。并治瘡疾凍瘡皆效。新鮮大

力子根葉梗三斤又名牛勞子 活白鳳仙花梗四兩 用麻油十斤。將二味熬枯。去渣。次

日以 附子 桂枝 大黃 當歸 肉桂 官桂 草烏 川烏 殭蠶 地龍 俗名曲

蟾 赤芍 白芷 白蘇 白芨 以上各二兩 川芎四兩 續斷 防風 荊芥 五

靈脂 木香 香櫞 陳皮 各一兩。共入油熬。藥枯瀝渣。隔宿油冷。稱過斤兩。每油一斤。

加炒透黃丹七兩。攪和。文火漫熬。熬至滴水成珠。不黏指爲度。以油鍋移放冷處。取乳香沒

藥各二兩。蘇合油四兩。麝香一兩。研細入膏。攪和。半日後攤冷。貼一切潰爛陰疽神效。凍瘡

一夜全消。瘡疾貼背心。

犀黃丸 治石疽、惡核、失榮、癰癤、乳巖、流注、橫痃、肺癰、小腸癰、一切腐爛陰疽。屢試神效。百發百中之仙方也。

犀黃丸方 製乳香 製沒藥各一兩 麝香 要當門子 犀牛黃各三錢 共爲細末。取黃米飯一兩。搗爛。與各藥末和勻爲丸。如粟子大小。曬乾。忌火烘。每服三錢。陳酒下。患上在部臨睡時服。下部空心服。

千金托裏散加耆地方。 生黃耆一兩 熟地一兩 防風錢半 肉桂一錢 白芷二錢

厚樸一錢 川芎錢半 潞黨參四錢 生用 桔梗二錢 甘草一錢 當歸二錢

十全大補湯方。 治氣血俱虛。并老弱人癰疽等症。 潞黨參四錢 生黃耆四錢 酒白

芍二錢 焦朮二錢 上肉桂二錢 茯苓二錢 當歸二錢 川芎錢半 生甘草一錢

熟地四錢 水煎服

保元湯。 上肉桂二錢 生黃耆四錢 生甘草一錢 水煎服

癰癤治法 此患生於項間。初起一小塊。不覺痛癢。在皮裏膜外。漸大如桃核。旁增不一。皮色不異。初起以子龍丸。每服三分。淡薑湯送下。日服三次。至消乃止。倘幼孩不善服藥。取小

金丹。每日一丸。用布包。放石上。隔布敲碎。入杯。取冷陳酒二三匙浸化。用銀物研。臨臥以熱酒沖服。蓋暖取汗。服至消。乃止。

子龍丸方。治頸項胸肋腰牽引作痛。并癩癧魚口。便毒。附骨一切陰疽神效。甘遂用甘草煎

湯浸三日。用清水淘洗三日。去心。再淘。透去骨切曬。大戟去附枝水煮白芥子炒各等分。為末。煉蜜為丸。如梧

子大。每服三分。淡薑湯下。忌與甘草之藥。同日而服。

小金丹方。治流注。惡核。痰核。癩癧。乳巖。橫痃。及一切陰疽初起。屢試如神。內有五靈脂。不

可與諸參同日而服。白膠香。草烏。五靈脂。地龍。製木鱉各淨末一兩五錢。製乳

香。製沒藥。當歸身各淨末七錢半。麝香一錢。陳墨一錢二分。用糯米粉一兩二

錢。糞糊。和入各藥末。擣千槌為丸。如芡實大。一料為二百五十丸。曬乾。磁瓶收貯。以蠟封口。

勿洩氣。臨用取一丸。取布包。敲碎。酒化。再用熱酒沖服。

又治項生痰核癩癧。或連珠串生。或潰爛。久不收口。年近者。一料收功。年遠者。服二料。無不

全愈。此係已經驗之方。勿以價廉而輕視。真香梗芋子十斤。去皮竹刀切片曬極燥。右

磨為粉。以開水泛丸。早晚每服三錢。甜酒送下。服之頸內覺有些麻象更妙。

又治癰塊湯藥方 左牡蠣八錢 川貝母二錢去心蒸 白芥子二錢炒 茯苓二錢
酒白芍三錢 全當歸三錢 粉丹皮錢半 青皮一錢 陳皮一錢 鱉血炒柴胡一錢
半 野白朮二錢土炒 炙甘草一錢 海藻三錢 夏枯草三錢
凡患癰癧者。多由肝火鬱結而成。能照前方服食。并每飯用海帶煨肉湯。兼以海蜇代小菜
食。自能消盡。萬不致成患。此係經驗之治法也。特錄之。

其餘骨槽風、乳巖、流注、橫痃、附骨、鶴膝、陰疽等症。藥方皆不離乎前列數方之治法。臨症之
時。可查王洪緒外科全生集甚詳。茲不復贅。

癰毒之患。發於六腑。紅腫焮痛。患盤寬大。名之曰癰。小者爲癧。初起尙未作膿。宜消散。用洞
天嫩膏。敷紅腫處。外以醒消丸。熱酒送服三錢。立能消腫止痛。爲療癰之聖藥。有膿消之不
退。常用托毒散醒消丸。早晚輪服。如患盤寬數寸。或居背心腦後腰腹肚腋等險要之穴。用
五通丸。醒消丸。早晚以敗毒湯輪送一次。皮皴痛息。再服至愈。倘潰卽用托毒散。醒消丸。亦
早晚輪服。如患盤不滿一寸之紅腫者。爲癧。蟾酥丸。梅花點舌丹。皆能消腫止痛。

醒消丸方 製乳香一兩 製沒藥一兩 麝香錢半 雄精五錢 共研和。取黃米飯一

兩。搗爛入末。再搗爲丸。如蘿蔔子大。曬乾。忌烘。每服三錢。熱陳酒送下。醉蓋出汗。酒醒。癰消。患息。

五通丸方 廣木香 五靈脂 麻黃 製乳香 製沒藥 各淨末。等分。用飯搗爛入末。再搗爲丸。如梧子大。另以敗毒湯送下。

敗毒湯方 連翹二錢 赤芍 銀花 歸尾 黃芩 花粉各二錢 甘草節一錢 酒水各一盃。煎半服。惟疔瘡忌酒。

洞天膏 治一切紅腫熱毒。癰癤。其效如神。壯年頭髮八兩 菜油一斤半 入鍋熬至髮枯。去渣。聽用。再用 活牛蒡草 生菊花連根葉 活蒼耳草連根 生金銀藤 生

馬鞭草 生仙人對坐草各半斤 入菜油十兩 熬至草枯。瀝淨渣。再加 白芷 甘草

五靈脂 當歸各四兩 入鍋熬至枯。瀝淨渣。俟冷。將煎熬頭髮之油。合共稱過觔兩。每油一斤。用炒透黃丹三兩五錢 入油內攪勻再熬。熬至滴水成珠。以不粘指爲度。冷透收

貯聽用。

洞天嫩膏 治疔腮。及小兒游風。丹毒。並治紅腫癰疽初起尙未成膿者。均極效驗。卽前方

少加黃丹。祇用二兩。不必熬至滴水成珠。以嫩爲度。

托毒散 治一切紅腫癰毒。全當歸五錢 金銀花三錢 生耆 花粉 連翹 黃芩

赤芍各錢半 大黃 牡蠣 生甘草各一錢 枳殼八分 皂刺五分 水煎服

疔瘡治法。此症發之最速。有朝發夕死。有隨發隨死。其毒最烈。或發寒熱。或發麻木。或嘔吐。或煩躁。或頭暈。或舌硬口乾。或心腹脹悶。或精神沈困。或言語顛倒。此皆生疔之候。其形或大或小。或長或圓。或白或紅。或有紅絲。名色甚多。治法則一。倘辨不清。以生黃豆嚼之。如無豆腥之味。卽是疔瘡。

菊花飲 治疔瘡。用白菊花葉。連根用。擣取自然汁一茶盃。滾酒沖服。或酒煮亦可。然不如生者爲妙。渣敷患處。留頭。服後蓋被睡出汗。其毒自散。無論生在何處。有起死回生之功。至穩至便。諸方不及。不可遲疑自誤。無葉用根亦可。

地丁飲方 治疔生紅絲。走至心不救。紫花地丁一兩 白礬二錢 甘草三錢 銀花三兩 煎服。各疔均效。

治對口等疔 用大蝦蟆一箇。破腹。取肝。貼之立消。

癰疽治法。從頭至足。部位不一。頗爲繁雜。茲特擇其簡要而有靈效者。略書數端。並分癰疽陰陽治法。初起不致紊亂錯誤。自易奏效。蓋癰爲陽爲實症。疽爲陰爲虛症。癰症治法。有醫宗金鑑最爲詳晰。疽症治法。有王洪緒外科。精妙無窮。其骨槽風、乳巖、流注、橫痃、附骨、鶴膝等。皆陰疽也。查王洪緒外科甚詳。毋須後人多贅也。

蘇州國醫書社新出醫書

中醫新論彙編

全書四冊

王慎軒主編著
寄費五角五分半

傷寒時方歌訣評註

(附)溫病時病醫方歌訣

俞樾初著 周越銘編
何秀山註 王慎軒評
寄費一元二角三分

溫病指南

全書一冊

王履原著 王慎軒訂
寄費大洋四分

傷寒直解辨症歌

全書一冊

薛公望著
寄費大洋九分

漢譯診病奇核

全書一冊

丹波元簡編
王慎軒重訂
寄費一元五角

曹穎甫先生醫案

全書一冊

王慎軒記 王南山編
寄費九角二分

女科醫學實驗錄

全書四冊

王慎軒著 諸門人編
寄費一元五角

胎產病理學

全書一冊

王慎軒著
寄費一元五角

新批女科歌訣

全書一冊

邵步青著 王慎軒批
寄費四角九分

婦女醫學雜誌彙編

全書一冊

王慎軒編
寄費一元五角三分

中華民國二十二年一月出版

(曾女士醫學全書)全書一冊

每部實價大洋八角

加外埠郵費

著者 華陽曾伯淵

重訂者 古越王慎軒

校正者 古越王南山

出版者 中國醫學研究社

發行者 蘇州國醫書社

代印者 蘇州文新印刷公司

版權所有不准翻印